

東

華

續

錄

臣王先謙敬編

臣陶濬宣恭校

五月壬戌朔參贊大臣科爾沁博多勒噶台親王僧格林沁由馮
官屯軍營凱撤回京 上御養心殿僧格林沁至 御座前行抱
見禮 親加慰問賞朝珠及四團龍補褂 ○諭內閣葉名琛柏貴
奏剿辦沙灣茭塘水陸各股匪擣洗巢穴省河通行一摺廣東省
城北路及佛山諸匪剿除後惟沙灣茭塘地方嘯聚賊眾數萬猶
肆猖獗葉名琛等督派兵勇疊加剿洗正月十七八九二十等日
水陸進攻大石口斃賊三千餘名毀奪賊船軍械無算河面及沿
岸賊巢悉就蕩平乘勝進攻新造地方斃賊三千餘名將賊老巢
焚毀所有省河南安南固礮臺亦卽時奪回斃賊二千餘名其餘

匪船逃駛外洋糾合大幫救援我兵追至柏塘洋面大加勦洗復斃賊一萬二千餘名其溺死及各鄉擒斬無數見在省河東南水路通行所有在事出力員弁紳勇著該督查明據實保奏仍飭該文武等乘勢將近省各屬河面餘匪全行殲蕩毋留遺孽○諭軍機大臣等昨因逆匪竄踞隨州諭令西凌阿帶兵馳赴湖北本日復授西凌阿爲欽差大臣督辦湖北軍務所有馮官屯見存官兵四千名該大臣挑選馬隊官兵二千名交克興阿都興阿史榮椿統帶仍駐紮馮官屯聽候調遣其史榮椿所帶巡捕營官兵二百餘名著卽撤回歸伍其餘官兵該大臣卽統帶前往由河南馳赴湖北會同官文等相機進剿毋稍遲誤至河南需兵防堵該大臣計已早到統歸該大臣調度其劉衡等帶往之投誠義勇應如何路過河南仍著畱兵一千五百名交英桂調遣孔廣順所帶官兵

示以恩信使之感激用命西凌阿在營日久必能妥爲駕馭以助
兵力湖北兵勇屢經潰敗多不足恃必當加以挑選方可畱營不
至徒糜軍餉將此由六百里加緊諭令知之○諭昨據英桂奏探
聞湖北隨州被賊占踞德安賊蹤未退本日已授西凌阿爲欽差
大臣統兵赴鄂督勦著桂良於直隸省挑選精兵二千名配齊軍
裝火藥聽候調遣將此各諭令知之○命察哈爾都統西凌阿爲
欽差大臣馳往湖北督辦軍務○以捐輸軍餉甘肅秦州永廣學
額一名○予廣東陣亡知縣許錚身等祭葬世職○癸亥 上詣
大高殿祈雨○曾國藩塔齊布奏據羅澤南等疊次稟三月二
十一日克復弋陽後餘匪竄踞興安當以興安爲入廣信要道不
可不急爲撲滅卽帶湘勇由貴溪馳赴興安二十三日訪知興安
縣之賊係另股由安徽婺源而來冀與弋陽之賊共攻廣信並據

船百餘艘分股以掠河口二十日初至興安是日我兵破賊於弋陽該逆尙未之知也既聞弋賊大敗興安股匪不及待弋賊來會已於二十二日由北門逃竄其兇悍者東上廣信徑至府西三十里之坑口大路口一帶羅澤南卽由興安馳赴廣信復令劉希洛帶平江勇八百倍道前進與湘勇同赴廣郡羅澤南探聞廣信已於二十三日淪陷卽帶湘勇訓勇馳至廣信城西之烏石山並飭安慶府知府李續賓營於山左知縣唐訓方從九品蔣益澧營於山右防賊數路夾擊賊見我兵突至築壘未就遽統大眾來撲始以數千人由西門出攻我軍之中營繙由北門出數千人爲一股攻右營又以一股由南繞出攻左營訓勇營勢極兇悍我軍整隊以出排列山岡不速與戰俟賊力竭然後鼓勇而前斃賊十餘名賊遂大潰共擊斃八百餘名二十六日賊眾萬餘忽分三路而

出又以數千人埋伏樹林深處羅澤南瞭望賊伏所在卽飭蔣益澧帶勇伏右路之高岡下劉希洛帶勇據右路之平岡又派精銳之勇約百餘人爲一隊分途潛往截其埋伏之路賊之三路來者於營前一里許放槍數次相持已久羅澤南知彼氣已衰遂督湘勇中營由中路出唐訓方帶訓字營從中路之右出李續賓帶湘勇右營從左路出三營齊進殺賊千餘人劉希洛蔣益澧之勇皆從大路繞出賊之藏伏樹林者亦爲伏兵所襲乘勝追勦沿途殺斃者又千餘人餘賊遂閉城以拒忽大雨如注城下礮不能開我軍冒雨圍攻無一退者日暮收隊防賊宵遁暗使敢死之士四路巡邏二十七日飭各營再行圍勦賊潰從東門逃去又於鄉間捕勦四百餘人當卽克復郡城按察使銜甯紹台道羅澤南轉戰千里審幾度勢謀勇深沈每於未築營壘之際猝遇賊至能從容鎮

定以寧勝眾應請旨交部從優議敘 上諭內閣此次官軍克復

廣信郡城按察使銜浙江甯紹台道羅澤南著交部從優議敘○

胡林翼奏三月三十日副將王國才等約會知府彭玉麟帶領礮船至鮎魚套口燒毀賊船數隻該逆乃從營後民房擁出二千餘人襲我後隊參將恆泰力戰陣亡正危急時彭玉麟在鮎魚套督戰遙見北軍退卻卽督水師登岸彭玉麟張啟基等自鸚鵡洲截賊之尾鮑超王明山等自鸚鵡洲前衝賊之中賊眾始亂是役也彭玉麟保全之功甚大四月初二日臣復督兵前進該逆先以悍賊伏於街外民房欲待我軍深入而襲其後臣派黔勇哨長姜映殺賊五十餘名該逆果由兩路分撲臣中路一軍堅立不動其隄外兵勇復從沿江兩路併力衝殺斃賊九十餘名生擒僞司馬張

亞潰等多名初九日臣復督兵前進見八步街左右賊幟如林較
前多至數倍我軍將近賊巢伏賊盡出與中路一軍拌死鏖戰于
總劉凝俊陣亡一軍洶洶欲動把總余玉興軍功丁銳義保升把
總吳璘等先經臣派由江岸沿隄而進見賊攢聚於中路卽率外
委楊琢珩等由隄外兜水來援馳至中路直衝賊隊有黃衣騎馬
賊目最爲兇悍被軍功周玉成等躍至馬前戳死餘賊敗潰是日
之未至挫敗則余玉興楊琢珩等之力也水師是日出隊旋以東
南風大作卽行收軍十二日飛飭水路各軍合力出隊王國才出
攻漢陽賊匪不出彭玉麟以武昌之下塘角所泊賊船爲其老巢
必由鮎魚套小河口兩處直下塘角焚奪賊船則賊失所恃而鮎
魚套等處乃可得手卽率千總張榮貴衝冒槍礮直下塘角而以
鮑超張啟基截小河口之賊王明山截鮎魚套之賊何越班段康

侯爲後隊接應彭玉麟至塘角守備孫昌凱于總張榮貴首先撲近賊船擲放火球火箭頃刻煙燄蔽天計燒斃溺斃賊匪四百餘人鮑超見有賊船逃往下流卽同曾秉忠帶師船三十餘隻乘勝窮追直至青山地方不料南風斗轉急欲收隊回營而水勇逆流搖槳精力已疲急難上駛賊於上河口開出快船數隻闖江橫截彭玉麟等見下游危急卽與張榮貴悉力救援而武漢兩城之下賊礮齊發我水師以江心溜急必須傍岸而行遂致中礮傷亡甚多弁勇裹創力戰無不以一當十衝圍而出是日自辰至申攻勦四時之久弁勇奮力攻撲擊破賊營一座殺賊數百名賊始敗退聞督臣已帶北路勁兵陸續行抵隨州唐縣鎮等處儻能迅由楊店蔡店直撲漢陽約會臣營同時進攻當更得力報聞○胡林翼奏請飭四川續撥餉銀十萬兩專濟武漢兵食並

分遣官紳勸捐得旨戶部迅速查明具奏隨時勸捐資爲救急良策惟在辦理得人耳○命荊州將軍綿洵馳往湖北欽差大臣西凌阿軍營幫辦軍務○予湖北陣亡參將恒泰等祭葬世職○甲子以常績爲甘肅布政使明緒爲甘肅按察使由山西道遷○乙丑諭

內閣毓書奏採買兵米請發寶銀一摺熱河兵米向在蒙古地方採買若照新章銀鈔各半或折給錢文商力均有未逮自係實在情形所有熱河採買兵米例價銀一萬九千八百四十兩零內搭五成寶鈔著直隸總督卽飭藩司更換寶銀以供支放○諭王茂蔭宋晉奏團防撤局一摺見在北路肅清京城團防局著卽裁撤所有稽查事宜著該管衙門循照舊章辦理該侍郎等請飭商民仍行守助之處著無庸議○署雲貴總督吳振棫奏永安協缺無員可升怨飭部開單請簡得旨貴州永安協副將著特克慎補授

以後不得援以爲例○丙寅諭軍機大臣等李孟羣奏整頓水師
請旨簡放臬司並派統領以資節制一摺前因北路賊匪復擾武
漢經曾國藩派令李孟羣回鄂援剿見已由湖南添備礮船百餘
隻選募水勇千餘人由金口進紮軍山沌口一帶連獲勝仗軍威
復振該員水軍本歸曾國藩統領見在曾國藩戰船尙未駛出鄱
陽若一切奏報軍情及調兵籌餉等事仍待曾國藩調度鞭長莫
及難免貽誤胡林翼見駐江夏縣屬袁家河相距較近李孟羣所
帶船勇卽著胡林翼就近統帶會齊兩岸水陸各軍迅圖克復武
漢直擣賊巢正以牽制該逆使不敢上竄其湖北臬司員缺仍著
李孟羣暫行署理將此由五百里諭知胡林翼並傳諭李孟羣知
之○追予福建陣亡知縣高鴻飛入祀京城昭忠祠並於臺灣任
所建祠○丁卯諭內閣向榮奏官軍水陸會剿盡埽三山賊壘大

獲全勝一招逆賊占踞三山阻遏舟師上駛四月十三日竄至江甯鎮窺伺被擊敗退十六日總兵吳全美德安等水陸官軍各分三路進剿賊匪開礮抗拒吳全美揮令紅單各船奮力衝殺搶近賊隄施放噴筒火箭將賊壘哨樓延燒陸軍乘勢搶上山梁遊擊楊瑞乾首先躍登賊壘兵勇一齊擁入水路弁兵亦由山右登岸將壘內賊匪焚斬殆盡其山腳賊營尙拒死拒守德安督兵進逼適李德麟水師攻近山腳火箭射入賊營火藥轟發逆眾驚亂陸軍呐喊掩殺水師亦上岸助戰賊匪大敗奔逃山腳營卡亦悉被官軍蹋平王鵬年復帶兵將蘆洲賊陣縱火焚燒淨盡三山江面一律肅清統計擊斬焚溺之賊不下二三千人生擒齊可貞寶文發鍾之淇魯志強等五十餘名焚破賊壘三座賊卡十餘處燔沈賊船七八十隻毀平礮臺七座奪獲賊船二十餘隻礮位旗械等

無算餘匪於二十日復來陸營窺探德安督兵追擊斃賊多名生
擒江大順等五名其金陵逆賊亦於十八十九等日竄撲龍脖子
等處均經官軍擊敗該逆三山營堅既被官軍埽蕩水陣各軍正
可乘勝上剿著向榮督飭在事各員弁相機設法步步進攻俾江
面早就肅清毋稍延緩○英桂奏據署光州知州周汎等稟四月
二十日赴息縣剿匪二十一日抵馬家集適代理息縣知縣劉宗
岱亦帶勇前來卽據署該州州判汪兆琛家丁盧坤等稟二十日
捻首易添富等糾夥六七十人假充官兵在烏龍集嘯聚滋事汪
兆琛聞信帶役往拏該匪抗拒將汪兆琛戕害復在烏龍集裏脅
七八百人等情該州縣等當卽移行各地方官厚集兵力剋期兜
剿一面會督營縣激勵兵勇於二十二日黎明前往烏龍集行抵
任家堰捻匪盡擁而來放槍拒捕相持半日忽有賊眾從岔道衝

出兵勇站立不住且戰且走至馬家集收集兵勇多有傷亡匪勢
益張並揚言卽日圍撲州城該州馳回守禦等語臣聞信後當飭
何懷珍等督兵迅速應拔合力擊勦易添富等於二十五日竄至
息縣該代理知縣劉宗岱因縣城四面久經坍塌難以設守聞拏
眾猝至卽帶領兵勇在東門外堵禦該匪拚死猛攻劉宗岱中槍
墜馬見尙未知下落兵勇四散賊卽入城開放監犯焚掠裹人勢
甚猖獗查上年霍邱縣捻首丁心田隨同李士林赴楚投誠旋復
回豫聚黨數千人分擾光息等處經南陽鎮總兵邱聯恩督率地
方文武營次擒斬八百餘名並獲逆渠丁心田捻匪聞風斂迹今
易添富等由楚潛回曾經戰陣非尋常捻匪可比且自楊需遣弁
赴豫募勇以來並不知照地方官無論良莠一律給予路票任令
往還該匪等深知我兵虛實尤恐暗相勾結若不及早殲除爲患

匪細當卽飛咨邱聯恩帶兵馳回迅赴光息相機堵勦惟宛都邊防亦關緊要見在馮官屯餘匪蕩平北路肅清一面飛調河北鎮總兵崇安帶兵千五百名馳赴南陽會同雲南臨元鎮總兵慶德嚴密防堵至固始商城等縣均與皖省霍邱縣毗連據報有捻首王四老虎等聚眾四五千人搶掠亟應豫爲籌備查王廷蘭駐守六安情形尚不十分喫緊咨令就近馳赴商固一帶勦捕並咨照安徽撫_臣福濟酌派兵勇赴六安駐守以杜分竄目下楚邊喫重而捻匪乘虛蠢動復肆彼猖兵力不敷派撥如北路得勝官兵能調二三千名來豫交_臣調遣較爲得力 上諭軍機大臣等見在湖北潛回捻匪竄擾光息拒捕戕官復有霍邱捻匪滋擾該處與固始商城壤地毗連亦應豫籌堵勦邱聯恩前勦捻匪既有成效該撫調回勦辦係屬先其所急著卽飭令該總兵速將此股捻匪

勦盡免致與逆匪內外勾結但三關一帶防務有無得力大員該
撫駐紮信陽諒可嚴密布置前諭西凌阿帶兵過豫時將所統官
兵酌畱一千五百名交英桂調遣本日據奏已飭副都統麟瑞帶
馬隊兵七百五十名並選山東兵五百名一併馳赴河南著英桂
卽行飛提到防擇要扼守其前此飭調之山東兵一千名亦著一
併催提毋任逗留至逆匪見蹤隨州本日據官文奏報已近唐縣
鎮地方有趨棗陽之勢該撫已飭崇安帶河北官兵馳赴南陽與
慶德協力防堵卽著催令剋日啟程如能進逼襄樊協同楚兵以
勦爲防亦卽相機籌辦馮官屯軍營派往湖北投誠義勇人數眾
多沿途能否安靜殊不可知今光息等屬捻匪肆行河南內患已
可深慮若此項義勇經過豫境再有滋擾或稍形反側則河南全
局將不可問著英桂一併妥爲防範不可稍存大意息息縣知縣劉

宗岱下落及邱聯恩抵光州後如何勦辦情形並著迅速查明具奏湖北軍情仍著隨時確探奏報霍邱勦匪事宜卽照所請咨照福濟會同妥辦其彰衛各屬聚眾抗糧之處見時能否漸形斂戢崇安帶兵赴南陽後河北地方何人可資彈壓亦著統籌兼顧不可顧此失彼將此由六百里加緊諭令知之○子湖北陣亡同知林天眞等祭葬世職○戊辰諭內閣葉名琛柏貴奏勦辦惠州賊匪克復河源縣城一摺惠州賊匪經官兵於歸善縣擊敗後沿途勾結土匪潛赴上游河源縣境內於八月十七日闖入縣城經署惠州府知府陶澐派撥兵勇馳往勦捕斃賊三十餘名生擒八十餘名追至河源縣城外各匪退入城中堅匿自八月二十四日至二十八日官兵水陸進攻疊將賊匪擊敗殲斃無數焚毀賊船多隻並調集練勇會合圍剿十一月初八日賊匪一千餘人出城抗

拒經代理河源縣知縣曹廷章督率壯勇迎擊斃賊一百五十餘
名匪眾敗退入城兵勇四面圍攻用雲梯奮勇登城各賊紛紛逃
出東門隨將縣城克復此股匪徒經代理河源縣知縣曹廷章會
同官紳帶勇圍攻克復縣城勦辦尙屬得手所有在事出力之員
弁兵勇著該督等查明保奏陣亡之欽州營參將塔明阿著交部
議卹○諭葉名琛柏貴奏勦辦順德股匪連獲大捷克復縣城一
摺廣東賊匪占踞順德縣城恃陳村爲險隘經肇羅道沈棣輝派
令候選同知林福盛等各帶兵勇分隊進剿把總蘇海等在三善
河攻擊當將陳村賊匪焚毀我軍遂由橫門而入備弁兵勇奮力
血戰奪獲賊船及沈溺者不計其數二月二十二三等日有匪船
由潭州前來撲營馮元亮激勵兵勇蘄沈大匪船五隻該匪駛回
潭州沈棣輝催令各船仍由獅子洋前進擊沈賊船五十八隻該

匪飛棹奔逃署守備黃彬揮令頭艦船闌截蘇海等帶船圍合將賊船二百餘隻全行焚毀三月十七日官軍行抵板沙尾進攻容奇黃連勒流各匪船該匪拑命拒敵當經擊退惟九江鶴山各賊船相戰四時之久拋擲火燧火罐延燒賊匪自亂跳水逃走屍流數十里十九日水陸官兵壯勇同時由大門窖直趨順德縣城該匪不能堅守紛紛敗竄經官兵追殺殆盡當將縣城克復統計四旬以來大小九戰殲斃焚溺賊匪三萬七千餘名割取首級四百餘顆生擒一千餘名翦沈燒毀賊船八百二十餘隻奪獲三百餘隻此役賊匪經官軍痛加勦洗力將城池克復辦理尙屬安速所有出力文武員弁著葉名琛等擇尤保奏以示獎勵○諭葉名琛柏貴奏賊匪復撲三水縣城續經官軍擊退城圍已解一摺廣東竄擾三水縣賊匪自上年九月經官兵擊退後復糾約波山艇匪

及肇慶等處各匪船於十二月二十五本年正月十九等日屢次圍撲三水縣城均經署三水縣知縣沈卓惠署廣州協都司黃曜吉等督率員弁兵勇擊退復開城衝殺三面夾攻賊勢大潰官兵奮力追殺斬擒無算奪獲礮械甚多三月初二等日又有賊匪屯聚大塘圍內楊梅墟亦經該署知縣等督飭把總黃鏞等剋日會齊四面圍攻擒殺賊匪多名餘匪奔竄城圍已解此股賊匪屢撲三水縣城意圖占踞經該文武紳民奮力剿殺統計先後殲擒四千餘名辦理尙屬得手著葉名琛等督飭該地方文武實力搜捕務期淨絕根株以靖地方其出力員弁紳士著准其擇尤保奏無許冒濫○諭葉名琛柏貴奏匪徒闖入陽山縣城旋卽收復一摺上年秋間廣東英德清遠匪徒三次圍攻陽山縣城經該署知縣宮步督率兵勇擊退嗣因力戰受傷又爲另股賊匪鈔截後路

以致賊匪闖入縣城該署知縣密約紳團調集四鄉練勇一萬餘人連日進攻殺斃賊匪不計其數卽將縣城克復該署知縣雖失事於前旋卽收復於後功過尙足相抵署陽山縣知縣宮步霄著免其議處所有出力員弁紳勇著葉名琛等查明保奏○諭軍機大臣等崇恩奏盜船復來石島一摺據稱山東石島洋面前有盜船圖撲口岸被弁兵擊退後至四月十五日復有盜船前來高大異常經副將沙兆龍等督兵迎擊我船被賊轟毀一隻次日復有盜船一隻與前船聯幫來撲該副將等開放大礮將盜船亦轟毀一隻賊始退卻山東師船無多請飭江南協勦等語江浙海運漕船見正源源北上盜匪意存窺伺深恐去而復來自應亟籌勦辦除已飭怡良等撥兵協勦外著英隆斟酌情形如該處水師有可能卽著揀選高大船隻配齊火藥器械派員統帶由金口開行

前赴石島洋面與山東江南各水師協力勦辦至盜艇在洋遊駛
蹤迹靡定盛京濱海各口岸均應加意防範並著英隆嚴飭水師
將弁於各該管洋面實力梭巡毋許稍涉鬆懈將此由五百里諭
令知之○諭崇恩奏盜艇復至石島請飭江南水師挑選高大戰
船遴委鎮將統帶至石島地方押護漕船儻該省師船不敷分撥
卽由上海米局於上海一帶募雇艇船十隻來東其經費由山東
照數歸款等語前因山東洋面盜匪滋事經怡良等奏明責成總
兵葉萬清等妥爲護送並飭署遊擊張鳳翔管帶師船隨同尾幫
漕船直至石島交替見在匪船與官兵接仗勢甚猖獗雖經官兵
擊退難保不去而復來自應厚集兵力以資攻勦除署遊擊張鳳
翔著怡良等飭令就見有師船管帶前赴石島毋許俟尾幫開行
始行前進外仍著怡良等於水師營揀選高大戰船配齊弁兵器

機派委得力鎮將大員統帶卽日前赴石島協同山東水師將該洋面盜匪設法殲除以利漕行儻因水師戰船多赴江面剿賊不數分撥卽著飭令上海米局雇覓艇船十隻務期船身高大足以制敵者仍由該督等派員統帶剋日啟程其經費卽由東省照數歸款毋許稍涉遷延致滋貽誤將此由五百里諭令知之○諭崇恩奏洋盜燒毀戰船擬親往登州督勦一摺山東石島洋面盜船去而復來竟敢擊毀戰船阻遏漕艘自應亟籌勦辦以絕根株惟據另片奏此次盜船已向東南大洋遠駛南來漕船被劫米百餘石其餘尙無疏失是盜匪雖近猖獗業已遠颺無蹤卽應責成該道府加意防堵一面飭令該總兵認真巡勦該撫布經回省一切積牘尙須趕緊清釐著毋庸遽行前往如果續有稟報海防實形喫緊或該鎮道等不能得力再行斟酌親往督辦此次水師失利

情形有無捏飾仍著查明具奏另片奏東省兵力較單請免派候
調官兵等語固係實在情形但此項官兵係豫備調遣並非令其
剋日啟程該省官兵卽不能派足二千名之數亦必得豫備一千
五百名聽候調遣如果湖北軍務得手河南防堵稍鬆卽派出之
後仍令歸伍亦未可定該撫卽當仍遵前旨妥爲挑選務期精銳
可恃以備調遣將此由五百里諭令知之○諭翰林院侍讀周壽
昌奏廣西餘匪逼近湖南永州一帶請添兵防勦一摺據稱廣西
富川恭城等處與湖南永州府屬各州縣壤地毗連該處賊匪肆
擾請飭候補知府王葆生候補縣丞周金城移兵屯紮永州以固
湖南邊圉等語永州府爲湖南省西南門戶其界連廣西富川恭
城等縣賊匪眾多自應實力堵勦惟界連廣東湖北等處逼近賊
氛堵勦均關緊要王葆生等練勇得力未便專注一隅其應否移

屯永州之處著駱秉章體察情形妥爲辦理仍須於永州一帶派員嚴密防範勿任該匪入境潛相勾結並密飭鄰境各地方官設法解散脅從是爲至要另片奏湖南安福縣知縣薛湘縱容門丁駱福勒索捐輸解費加收耗羨經該撫查鞏該縣匪不解交各情著駱秉章嚴密查訪如係官役通同舞弊卽著據實嚴參毋稍贍徇原摺片均著鈔給閱看將此由五百里諭令知之○以江國霖爲廣東布政使沈棟輝爲廣東按察使由肇羅道遷○予廣東陣亡參將塔明阿等祭葬世職○庚午夏至祭地於方澤○晉封麗嬪爲麗妃○楊霈奏克復隨州賊匪敗竄德安擬卽分隊進攻得旨逆匪並未大受懲創分竄無定殊深塵慮○于湖北陣亡知縣翁汝瀛等祭葬世職○以團練殺賊蠲免湖北黃安等七州縣舊欠額賦○辛未上御乾清宮奉命大將軍惠親王參贊大

臣科爾沁博多勒噶台親王僧格林沁率從征侍衛官員恭繳大將軍印參贊大臣關防作樂行禮如儀○諭內閣前因逆匪擾及畿疆特授惠親王爲奉命大將軍並派恭親王奕訢等辦理京城巡防事宜命科爾沁博多勒噶台親王僧格林沁爲參贊大臣統兵進剿見在北省軍務告歲河北一律肅清本日舉行凱撤典禮大將軍及參贊大臣均已恭繳印信關防所有京城辦理巡防事務著卽裁撤其在事出力之司員章京等並著巡防王大臣酌量保奏以示獎勵○諭軍機大臣等御史伍輔祥奏四川鹽匪橫行請將鹽法變通辦理一摺據稱川省鹽務近因引課倍加鹽價益貴以致私鹽暢行鹽梟蠭起不如變通鹽法將引課歸入竈戶可以戢奸裕課等語著黃宗漢按照所奏悉心妥議並遴委幹員赴各該產鹽處所察勘情形妥爲辦理另片奏川省設有廣濟倉請

於每歲年終將出入總數報部查覈如穀石有餘卽將民間見捐津貼酌減又據稱廣安州知州陸敏杰署南充縣知縣恆保富順縣知縣陳尙邵俱有侵蝕津貼銀兩情事又總兵阜陞年老無能守備鍾淮縱容兵丁滋事均著照所參款迹據實查奏原摺片均著鈔給閱看將此諭令知之○諭易棠奏兵餉緊急請飭迅速撥解一摺據稱各省應解甘餉截至去年底止共欠銀六百餘萬兩自奏請飭催後不特欠餉仍前推諉卽本年新撥各餉亦無報解之信前請撥運倉糧所放兵餉兵丁等以變賣折耗太多紛紛爭執司庫匱乏無可籌墊迫切情形萬難支持請飭山西省先籌銀四十萬兩陝西省籌銀十萬兩山東河南二省各籌銀二十萬兩迅速解往以資接濟等語甘肅歲需兵餉經費約銀四百萬兩除口外需銀一百六十餘萬兩外計口內共需銀二百二十餘萬兩

均應按日支放之款見該省司庫按羅已盡自應迅籌接濟著英
桂等各按所請於山西省應解甘餉一百三十八萬兩內先撥銀
四十萬兩陝西省應解甘餉五萬兩外另籌銀十萬兩山東河南
二省於欠解協餉內各先撥銀二十萬兩派委委員剋期解赴甘
肅藉應急需此因各該省奉撥款項尙多准予通融辦理毋得再
有推諉原摺著鈔給閱看將此由五百里各諭令知之○都察院
奏據已革左副都御史袁甲三星稱被議革職來京捧讀諭旨有
被參擅截餉銀冒銷肥己等情革員督師皖省所需餉銀奉旨與
和春福濟通融協濟會議有按成分用章程兵丁口糧照征兵覈
減支放壯勇口糧照征勇酌量變通以每名每日給錢三百爲例
銷而校定等差有多有少以贏補絀仍不及例銷數目並以撙節
之餉多募勇數百人各勇領餉實數有帳簿及領字可稽且軍需

例有歸地方攤補者福濟亦奏明正銷之外有副銷並攤補之款
臨淮軍需凡一切例不准銷之項均於勇糧等第內合計勻支並
無副銷攤款卽例銷內仍多節省緣上年桐城之役革員事後曾
函責和春等延不應援本年復以廬州未能卽克兩次具奏伊等
銜恨遂捏造蜚語所奉諭旨匿不行知其錄行各地方官諭旨內
則稱前有人奏參革員浮支兵勇口糧用油簍藏銀寄回原籍等
因旋見邸鈔始知卽係和春等所參旣已奉旨飭查豈肯自認虛
誣至廬州發餉章程多與臨淮不同應請徹底根究以成信讞所
參油簍藏銀如有其事加等治罪 上諭本日據都察院奏革員
袁甲三以被參冤抑具呈控訴並將廬州臨淮支發軍餉不同情
形開單呈請查辦該革員開銷勇糧按名統計是否於每名三百
文外另有浮銷所稱視各勇之勤惰勇怯分別等差以贏補绌仍

不及例銷之數是否確有實據其所收捐輸錢文是否均歸軍餉
支用抑係實有肥己情事著怡良提同經營糧臺各委員逐款確
覈秉公訊辦務期水落石出不准稍有偏徇至和春福濟原參該
革員油鑊藏銀寄回原籍並該革員見控和春等將參摺捏改他
人等情及單開支撥軍餉與廬州不同之處著一併確查具奏原
呈單並和春等原參片均著鈔給閱看將此諭令知之○以軍營
效力予哲里木等盟長優敍○王申諭軍機大臣等王履謙奏稽
查上游河口並地方情形一摺見在北路逆匪雖已肅清河南邊
界賊氛尙近河岸巡防仍未可稍形鬆懈該副都御史所請於官
渡適中之區各酌設民渡一處撥給小船一二隻以供對渡之用
係爲便民起見著准其添設仍會同長臻諱切曉諭止准本地居
民對岸渡送不得上下往來如有私自行駛者卽行拏究並嚴飭

地方河工文武一體嚴密稽查不准稍存大意南岸柳園蘭儀等
口原設練勇亦著照所請卽行裁撤此項練勇裁撤後或應遣散
歸農或應調赴何處防堵著王履謙長臻會同英桂妥商籌辦至
近來地方團練原以保衛鄉閭乃河南彰衛懷及開封等屬抗糧
滋事之案層見疊出皆因聯莊會借團練爲名糾眾抗官該府縣
平日旣辦理不善臨時又補救無方以致相率效尤後患何堪設
想著英桂督飭該地方官剴切曉諭不遵者嚴行懲辦庶幾地方
日就安靜而徵收錢漕亦漸有起色見在北路軍務已平所辦聯
莊是否可以裁撤並著該撫酌量辦理英桂見在防邊而於本省
吏治民風亦未可視同泛常不思力求整頓設或於閏署設官重
案稍涉彌縫以致將來蔓延蠹動釀成大患恐該撫不能當此重
咎也將此由四百里各諭令知之○癸酉追封科爾沁親王僧格

林沁生父故四等台吉璧啟爲貝子○乙亥諭內閣前因訥爾經額於賊匪由懷慶西竄後未能於直隸各要隘嚴密防守致該逆紛擾畿疆經惠親王等遵旨按律擬爲斬監候已降旨照擬定罪該革員奉命督師毫無籌畫其貽誤事機實屬罪無可逭姑念其由懷慶折回帶兵無多各路所調官兵緩不濟急見值首逆就殲畿輔肅清用特寬其一綫之路以示法外之仁訥爾經額著改爲發往軍臺效力贖罪○諭巡防王大臣奏革員當差愧奮可否免罪等語賽尙阿前以大學士奉命督師楚粵當賊匪困守山箐坐擁重兵不能立即撲滅及賊竄永安蕞爾州城又不能剋期攻復嗣後赴援桂林力守長沙止能獲全二城未能扼其竄逸以致該情節較之其餘獲罪各員實爲尤重惟見據該王大臣奏稱該革逆蔓延數省荼毒生靈勞師五載有餘糜餉數千萬兩揆其貽誤

員自奉差委以來尙知愧奮自應量予減罪以示法外之仁賽尙
阿著改爲發往軍臺效力贖罪○諭戶部奏河南等省欠解甘餉
過多請將巡撫藩司議處等語甘肅省癸丑甲寅兩年兵餉河南
省欠解銀九十餘萬兩山東省欠解銀二百餘萬兩疊經行催罔
應實屬玩誤河南巡撫英桂布政使鄭敦謹山東巡撫崇恩布政
使屬恩官均著交部議處○以李清鳳爲左副都御史由通政使遷○
子安徽陣亡參將李成虎等祭葬世職○釋遣戍軍臺已革巡撫
張亮基發往湖北軍營交欽差大臣西凌阿差委○以愛仁爲理
藩院左侍郎由京管左翼總兵遷○子陣亡照磨汪兆琛祭葬世職○丙子
英桂奏據報自楚回豫之捻首易添富林其賈等因在息縣烏龍
集嘯聚拒捕戕官自知罪不容誅糾結死黨遂圖踞城負固沿途
裹脣游民竄入息縣焚搶劫獄當咨邱聯恩督兵折回援勦一面

飭知縣廖慶謀等督勇趕至鼠縣搜般匪黨數十名立將縣城克復該匪等因西北兩路官兵截住悉向東南分竄二十九日攻光州經該城文武紳民協同守禦該匪環攻十九時之久各路兵勇同時趕赴救援始行敗退城圍立解該匪等復竄光山交界大埠口經署光山縣知縣張紹英帶勇截殺捻眾紛紛棄水而過直撲縣城張紹英馳回堵禦督勇力敵不期捻匪由閒道衝突入城當經邱聯恩廖慶謀張曜等陸續趕到督同張紹英帶領兵勇四門圍攻廖慶謀之勇進攻西北等門燐獲勝仗殺賊百餘名見在乘勝環攻可期一鼓埽除臣復派南汝光道邊沿禮馳赴光山會同邱聯恩嚴督兵勇迅圖克復縣城再此次捻匪竄擾光息一帶攻城劫獄該地方文武疏於防範均有應得之咎代理息縣知縣劉宗岱當捻匪竄撲縣城先據探稟該員不知下落嗣經該管光州

知州周泮稟該員在東門外遇匪接仗身受槍傷墜馬遇救等情
難保無畏葸先逃情弊相應請旨將劉宗岱革職拏問訊明後再
行參辦署光州直隸州知州周泮署光州營都司汪長清於所屬
地方捻匪滋擾未能先事防範以致失陷兩城實難辭咎惟該匪
攻撲州城均能賣力守禦擊退捻眾迅速解圍與堵禦不力者有
聞署光山縣知縣張紹英未能固守城池本有應得之罪惟先經
帶勇在交界地方與賊鏖戰及匪眾撲城後督勇力敵並無逃避
情事應請旨將周泮汪長清張紹英一併革職暫行畱任責令隨
同鎮道迅圖克復縣城儻再不知愧奮卽行從嚴參辦被戕署光
州州判汪兆琛奮勇捐軀殊堪憫惻懇恩飭部照陣亡例議卹
上諭內閣河南捻匪竄擾光山息縣一帶代理息縣知縣劉宗岱
不能設法堵禦以致城池失陷難保無畏葸先逃情弊劉宗岱著

卽革職拏問交該撫嚴訊參辦署光州直隸州知州周泮署光州營都司汪長清於所屬地方捻匪滋擾未能先事豫防實難辭咎惟於該匪攻撲州城時均能賣力擊退迅速解圍尙與堵禦不力者有聞署光山縣知縣張紹英於捻匪竄入縣城不能固守本屬罪有應得惟先經帶勇在交界地方接戰及匪眾撲城後督勇力敵尙無逃避情事周泮汪長清張紹英均著革職暫行畱任責令隨同鎮道迅圖克復光山縣城儻再不知愧奮卽著從嚴參辦署光州州判汪兆琛奮勇捐軀殊堪憫惻著交部照陣亡例議卽○丁丑諭軍機大臣等前因赫特賀奏廓爾喀尋覓占踞濟噶囊拉木兩處地方川境毗連藏界諭令樂斌等偵探夷情不可稍涉張皇本日據赫特賀奏該大臣由前藏行次曲水白地知廓夷復於三月十四日攻占宗喀所調乍了察木多類烏齊各處土兵尙未

齊集請飭調川省五屯官兵備勦等語藏屬額設番兵並催調各
土兵計數已有七八千名惟隘口甚多自應厚集兵力以備調遣
著樂斌黃宗漢於該省屯兵內酌撥三千名由樂斌管帶赴前藏
察看情形再定進止至綠營兵是否相宜著該將軍等酌量湊撥
不必拘定盡調屯兵樂斌出省所有成都將軍印務卽著副都統
伊琫額暫行署理至廓番雖侵占邊地其搆釁根由起於唐古忒
營官多徵稅課及欺負搶劫等事見在赫特賀已赴後藏廓夷所
派噶箕藏格巴都爾約於四月中旬來宗喀聽候剖斷之諭已諭
令赫特賀妥爲開導若該番能知感悟退出所踞地方兵端尙可
止息樂斌到前藏時探知該夷情形是否遵斷相機辦理將此由
六百里諭令知之○諭赫特賀奏接據稟報宗喀失守並廓番遵
派噶箕至邊界聽候剖斷一摺廓爾喀國前次擁兵數千占踞濟

噐並奪去聶拉木地方狂悖之迹漸已顯露見又攻陷宗喀其勢
益張經該大臣檄諭之後該夷揀派噶真藏格巴都爾至宗喀聽
候剖斷俟該噶真到協噶爾該大臣卽將該國王上年及此次所
稟被唐古忒欺陵各案逐件秉公查辦並查明該夷與唐古忒因
何起釁根由務當準情酌理折服其心並曉以大義使趕緊退出
宗喀濟噐等處地方設該國仍要唐古忒算給銀兩讓給地方該
大臣務當據理駁斥至此次情願備兵助剿尚未有旨允准何得
云使費一切已致無著顯係藉端要挾該大臣亦當與彼剖析明
言使不至再存妄想仍知照達賴喇嘛色呼本諾們罕朗結曲不
等妥爲開導儻恃眾抗違不知悛悔亦不能不懾以兵威該大臣
馳抵協噶爾後與該噶真會晤如該國感悔撤兵自毋庸輕議征
剿儻肆行猖獗卽一面奏聞一面知照樂斌相機前進該大臣務

當體察情形妥爲辦理滿慶當已到藏調度一切另片奏札調土
兵屢催罔應殊屬不成事體見調川兵爲數無多仍須藏屬兵丁
會勦著該大臣查明所調各兵如果有意抗延卽行分別懲辦將
此各諭令知之○諭陳啟邁奏湖北崇通股匪圍攻義甯州城抽
調兵勇援勦一摺自武昌失守之後崇通等縣復爲賊踞裏齊日
多見在大股逆匪由古石嶺杭口竄入義甯州境圍困州城湖北
大軍見在攻勦武漢之賊崇通一帶逆匪其勢不能兼顧以致賊
勢蔓延擾及江境該撫先後派撥兵勇前往堵勦見復札飭吳錫
光帶勇千名馳往援應並飛飭知府林懋勲等統帶兵勇倍道前
進卽著嚴飭該員等迅速進勦以解州城之圍如兵力不敷仍當
酌量添兵助勦饒州業經克復耆齡遮克敦布所帶練勇亦可察
看緩急相機調撥如勦辦得手卽當不分畛域越境追擊以助湖

北兵力之不及務將此股逆匪盡數剿除勿畱餘孽其德興等處
餘匪仍飭羅澤南等極力搜捕毋令餘燼復然將此由六百里諭
令知之○諭昨據英桂奏信陽防堵堅要並光州所屬剿匪情形
本日據張之萬奏光州一帶捻匪恐有粵匪勾結請旨分別速剿
一摺據稱息縣及正陽新蔡等處均有捻匪聚搶並州判典史被
戕等事業經英桂入奏惟所稱地方官若加意勦捕原可卽時撲
滅乃遷延月餘以致愈聚愈多等語著英桂查明該州縣等何員
遷延貽誤據實嚴參懲辦邱聯恩見在光州駐紮著卽嚴催該鎮
督飭兵勇迅圖克復縣城毋稍遲誤並將此股捻匪悉數剿除免
致與逆匪內外勾結至赴楚之兵斷難再分所有西凌阿過豫酌
留官兵量已催提到防並楊霈撥回馬隊均可分派擇要扼守該
撫總當通籌兼顧先將光息等處捻匪剿除以靖內患方可專力

防堵不至牽掣將此由五百里諭令知之○戊寅 上御勤政殿
賜奉命大將軍惠親王參贊大臣科爾沁博多勒噶台親王僧格
林沁並從征將士王貝勒貝子公文武大臣等宴賞賚有差○諭
內閣楊需奏剿賊獲勝進攻德安一摺前據楊需奏遊擊常德等
協同署知州嚴樹森等進剿隨州屢次獲勝適提督孔廣順督兵
趕到遂於四月二十九日克復州城茲據奏稱該匪敗竄後於應
山縣屬馬平港長林岡一帶據掠復被官軍襲殺初八日有賊三
四千人上竄劉富成帶兵迎剿嚴樹森督團策應官軍與賊遇於
中途劉富成手刃賊目數人兵勇鏖戰復殺百餘名乘勝追至河
邊山水暴發該匪被逼淹沒不計其數我軍過河追殺四十餘里
共計殲斃千數百名生擒四十六名奪獲馬匹器械多件賊鋒已
挫著官文督飭孔廣順等迅速進攻德安毋稍遲誤○己卯官文

奏探聞賊竄府河調鹽道常恩帶勇赴潛江以爲沔陽德安應援並見與荊州左翼副都統載增商籌防守得旨著飭令載增會同地方文武仍須妥慎防範○辛巳諭軍機大臣等西凌阿奏督兵馳抵汴梁分起前進並籌撥軍需一摺前據楊霈奏四月二十九日收復隨州派兵進攻德安官文奏於五月十一日督兵啟程馳赴棗陽並探聞隨州德安之賊已陸續下竄出府河而至襄河逆匪奔竄無常總未大受懲創官文所帶川兵及該大臣所帶兵勇均係精銳之師必須趕緊會合探明賊蹤痛加勦洗力挫兇鋒兵貴神速斷不可稍涉觀望致誤事機僧格林沁前奏派勇目詹起綸等赴楚偵探賊情該勇目等如探明逆匪情形該大臣查勘確實即可相機布置並將所探情形隨時附報具奏見命綿洵幫辦該大臣軍務業經啟程並帶銀四萬兩前往該大臣馳抵楚省所

需軍餉可先與官文通融辦理也將此由六百里加緊諭令知之
○諭西凌阿奏馳抵汴梁籌撥軍需一摺該大臣此次所帶兵勇
約數千名據奏由馮官屯啟程僅帶銀一萬七千兩若不豫爲籌
備稍有支絀所關非細見在河南藩司鄭敦謹已派候選同知陳
南金隨往行營辦理糧臺支應著英桂督飭該藩司無論何項迅
速籌撥數萬兩解赴該大臣軍營以備接濟不得藉口於無款可
籌致滋貽誤英桂見駐信陽距楚較近所有楚北近日賊情務卽
偵探明確飛咨該大臣以便相機進剿該大臣已畱馬隊兵七百
五十名步隊兵五百名飭令副都統麟瑞等帶赴信陽聽候該撫
調遣卽著英桂妥爲布置毋稍鬆懈至各省解項行過豫境並著
嚴飭該藩司不得任意截留以致顧此失彼將此由六百里加緊
諭令知之○壬午諭軍機大臣等托明阿等奏續攻瓜州並水陸

兵勇勦賊獲勝一摺此次東西陸路官兵續攻瓜州逆匪雖殲斃多名究未能直擣賊巢剋期收復且該匪堅匿不出我軍仍無從著手必須設法進攻或誘賊離巢痛加勦洗斷不可再事遷延至上下游江面賊船往來無定復聞金陵逆匪多造船籌欲順流衝突爲下援瓜州之計此時急務必應嚴飭水師各船合力堵勦使瓜鎮之賊不能互相援應一面督飭陸路諸軍奮力進攻紅單挖罟各船分防各隘旣屬過單續調挖罟五隻卽飛調來江以資攻勦其儀徵六合浦口江浦等處均屬北岸扼要之區著該大臣等嚴飭帶兵文武各員實力防範毋令逆匪乘閒竄越托明阿自到揚州督兵以來打仗未嘗不力然往往勝負參半蕞爾瓜州並無城池可守何至被賊久踞攻勦費力竟與堅城相等恐與度或未盡善抑帶兵諸將恃勇而不濟以謀耶著托明阿會同陳金綬雷

以誠悉心籌畫謀定後動務操必勝之算以慰殷盼毋得以小有
斬擒數日一奏視若奉行故事也將此由六百里諭令知之○命
鄭敦謹來京以瑛榮爲河南布政使由長蘆鹽運使遷○癸未英桂奏邱

聯恩圍剿光山該匪負嵎固守五月初八日晚聞該鎮督同廖慶
謀張紹英等出其不意揮令兵勇星馳前進由城東坍塌處所攻
入廖慶謀首先登陴督勇殺賊多名餘匪向西南奔竄立將縣城
收復查該匪所竄之路直通湖北大道亟應窮追該鎮卽帶領署
參將成景並廖慶謀等率領兵勇連夜跟蹤剿殺逆匪正與何家
畈團勇接仗該鎮督兵趕到當令成景率隊攻其左自率一隊攻
其右廖慶謀等帶勇繞前迎剿殺賊百餘名匪勢不支卽由西大
山之鳳凰頭直竄山頂陳家寨依寨抗拒兵勇四面圍攻復斃匪
三百餘名生擒數十名餘匪驚逃竄至羅官店忠心店一帶該處

直達羅山恐其襲入縣城邱聯恩復飭屢謀帶兵繞至羅山一面督催兵勇從後尾追初十日行抵孫鐵鋪知捻匪已由竹竿鋪北走至河口寨經署羅山縣知縣鄭元善督團堵截該匪被勒窮蹙僅餘百數十人於十一日竄入息境經兼理息縣知縣耿潛修截斃數十名餘匪奔往東北鄉惟易添富等均未殲除難保不復行嘯聚當咨邱聯恩盡力勦捕並飭邊沿禮一體兜擊悉數弋獲上諭軍機大臣等英桂奏探報楚北情形並收復光山縣一摺所奏賊自隨州退出占踞德安情形與官文昨奏大略相同南陽防堵既已稍緩自應將崇安畱駐河北以資彈壓見在光山雖已收復而所殺捻匪無多且首犯尙未就擒難保不與阜陽各匪勾結復致蔓延著英桂卽飭邱聯恩等督率存事文武實力接擊務將首犯易添富等悉數擒獲不准稍畱餘孽濟源縣抗糧之案是

否業已解散如須威以兵力亦卽飭令崇安妥速辦理聯莊會原
以保衛鄉閭今乃糾眾抗官轉貽地方之害此時河北肅清是否
可以裁撤著英桂妥籌辦理見在輝縣首犯未獲濟源又復效尤
聞河北各府似此者尙復不少必當執法懲治不可徒以解散爲
事致令毫無忌憚至山東撥往馬隊旣據該撫奏稱於豫省不甚
相宜著卽撥出一千名飭赴金陵交向榮調遣其餘一千二百五
十名卽撥赴安徽交和春福濟分撥布置常亮旣不得力已有旨
飭令回旗所有前項馬隊卽著統歸麟瑞管帶俟馳抵安徽軍營
交明後再將金陵軍營一千名帶往應由何處渡江著與托明阿
妥商前進英桂卽一面傳知該副都統一面飛咨金陵安徽及沿
途地方以便趨行將此由六百里諭令知之○諭寄諭欽差大臣
西凌阿英桂奏撥赴楚北義勇如有情願歸農者請撤令回籍等

語據稱投誠義勇三千餘名由山東撥赴楚北軍營調遣頭二兩
起已過河南省城行走尙屬安靜惟楚北餉項支絀恐該義勇因
口糧不繼別滋事端其有情願歸農者不若撤令回籍以免他處
等情此項義勇人數眾多良莠不齊原難保其必遵約束惟見在
楚北幾於偏地皆賊該義勇等又恐無家可歸若紛紛遣散必致
仍流而爲匪止可就其自願回籍者遣之使歸其願在行間者或
分派各營使兵勇相輔而行不至難於約束仍須示以恩信有功
者酌加獎勵以堅其自效之心而消其反側之念本日英桂奏報
楚北賊情與官文前奏大略相同該大臣卽遵本月二十日寄信
諭旨統帶精兵趕緊會合官文探明賊蹤痛加勦洗斷不可稍涉
觀望仍將勇目詹起綸等所探逆情並該大臣抵楚後勦賊情形
一併迅速具奏將此由六百里諭令知之○諭御史韓錦雲奏知

縣聞警先逃以致城池失守請旨革職一摺據稱廣東博羅縣賊匪黃槐花等糾眾搶掠經紳耆捐資團練其防守丁壯自十一月後有事之日每人給米一升知縣謝玉漢將守城壯勇裁撤令蘇養才等銀兩並未用出至十月間謝玉漢將守城壯勇裁撤令蘇養才等管帶鄉勇蘇養才等與賊勾結十一月初一日賊眾來攻該縣先已逃匿城外以致人心倉皇城池失守迨知府陶澐調兵赴援縣城收復以後該縣以修城爲名將倉穀三萬餘石變賣肥己該督撫並未確查始末輒以功過相抵准令回任等語博羅縣知縣謝玉漢於賊匪攻城時聞警先逃以致城池失守著卽行革職所借書院督火銀六百兩當鋪官戶銀一千餘兩並糴賣倉穀銀兩該縣如何侵漁肥己之處著葉名琛柏貴嚴查參辦毋許稍有不實不盡至偏近賊氛地方果使州縣得人與紳民等力圖守禦則眾

志成城何至遽行失陷迨城池既已失守則該地方官之辦理不善自無可辭若於城池收復後輒以該員係隨同進兵功過尙足相抵爲詞遽請將失守罪名免予置議則身任地方者相率效尤必致賊蹤所至無人抵禦廣東省失守各地方見在漸次收復所有該州縣如何辦理不善之處並著葉名琛等嚴行參辦以儆其餘原摺著鈔給閱看將此諭令知之○甲申子四川傷亡知縣劉康年祭葬世職○乙酉向榮等奏鎮江南路挑築牆溝工竣移營偏近城垣得旨覽奏布置情形均屬妥協○丁亥諭內閣刑部奏見審案內有大員屬託並聲言承審司員聽情受賄請欽派大臣審訊一摺著派賈楨穆蔭會同刑部審訊工部右侍郎崇實因家人涉訟輒向刑部堂官屬託並稱承審司員聽情受賄有無實據著明白回奏○諭恆春等奏兜捕餘匪殲除殆盡一摺貴州逆匪

自楊漸伏誅後餘匪竄至四川邊界復有逆黨舒大舒組糾結死黨仍圖回竄經貴東道承齡聞信卽由桐梓進剿並派朱右曾等由仁懷木方等處旁截四川參將蔣玉龍等由九壩綏陽一路搜捕以淨根株所有在事出力員弁紳勇均著擇尤保奏候朕施恩○諭軍機大臣等朕聞雲南開化府屬有回匪聚眾抗糧之案該省回民易於滋事上年東川逆匪馬二花等戕官脅眾蔓延尋甸等處以致重煩兵力此次開化抗糧之案若不亟籌妥辦難免不滋生事端著恆春舒興阿將起鬱根由密速查訪務將首要各犯剋日拏獲到案盡法懲處並設法解散餘匪以儆刁頑而靜邊圉儻該地方官有辦理不善以致激成事端之處並著嚴行參辦毋稍姑容將此諭令知之○諭朕聞貴州台拱廳地方見有苗匪滋事苗人素稱頑梗儻或不能安戢恐致貽害地方況該省桐梓等

處匪徒甫經搜除淨盡若復有苗匪滋事不及早搜捕將來必致重煩兵力著蔣霨遠趕緊查辦毋得稍有回護遷延並將如何滋事情形迅速具奏將此諭令知之○胡林翼奏臬司李孟羣副將王國才於四月二十六日約會兩岸陸師齊發一攻鮎魚套一攻漢陽賊舟自辰至午排破轟擊賊以戰艦橫截鮎魚套口及漢陽河口我師從江外攻之斃賊五十餘名王國才等卽攻漢陽西門賊壘寂不聞聲王國才知賊計詭譎嚴飭兵勇毋許輕進俄頃伏賊盡出王國才佯卻以誘之於賊營三里之外民房牆穴豫安大礮迨賊追至自然引綫轟斃賊目二名斬擒甚多臣於是日督隊力攻南岸賊營分兵三路各攻一壘千總何紹彩等帶勇力攻江邊白沙洲各營其黔勇恆勇寶勇安勇分攻江隄八步街各營該弁等知賊營牆濠高深豫選壯士各持斧鋤掘濠拔籤直逼其壘

賊營槍礮如雨江邊各勇中傷三十餘名仍堅立不動江隄各勇士始則攻撲甚猛同時中傷五十一名創甚稍卻因扶掖帶傷勇士隊伍雜亂賊遂悉銳乘之適水師知府彭玉麟遙見中路勢將不支卽飭江邊陸師趕回橫截自率水勇協助何紹彩周得魁伍典三營亦四面前來援應由隄下湖蕩亮水衝上者數百人其大隊又繞上三里涉淺橫衝殺賊三百餘名後路賊匪數千已被橫截中分爲二先行奔潰惟時援兵已上隄岸而隄岸之勇目亦督隊回殺無一賊得脫者二十七二十八五月初二初六等日水陸復出隊力攻或以數十人誘之或以大隊逼之賊終不出接督臣棗陽營次函稱西安將軍力戰陣亡德安一帶賊氛尙惡可否懇恩迅催塔齊布孔廣順進兵援楚庶大江南北可以速復而江西湖北水軍不至爲賊中梗又奏臣力攻武昌一月有餘近日賊更閉

匿不出知其必有奸謀五月初九日適有投誠降賊探知賊計堅
守不戰於初七八等日潛啟東門夜出大股迂道上竄夜行晝伏
定於初十日陰襲金口以斷水陸餉道臣軍兵力不厚金口僅有
守護勇丁數百名分防紙坊兵勇亦僅有一千二百名勢恐不支
萬一賊匪竄踞則後路糧餉軍火必致斷絕又因北岸亦關緊要
已續派兵勇千二百名渡江協勦兵力難以再分臣卽日親提各
勇飛馳金口繁營未畢而紙坊兵勇千二百名於初九日三更被
賊圍攻力戰一夜初十日業已潰散賊之全隊直犯金口分五路
來撲臣軍豫分三路埋伏以待而以三路接戰于總何紹彩等各
率百餘人誘賊而以大隊旋轉繞之殺賊一百八十餘名逼溺內
湖淹斃者約二百名戰至黃昏數路之賊均經敗退我軍亦收隊
修整牆壘並據水師彭玉麟鮑超張啟基等稟稱是日下游有另

同書續金
卷之三
股賊匪循江上竄我軍過江轟擊各用三板排礮攻之斃賊甚多
賊敗下走十一日賊復四路來撲遙見樹林埋伏尤多臣飭各營
登高審視按兵不動專派長字營六百人深入誘之賊果大至伏
賊亦起我軍仍分六路應之何紹彩周得魁伍典丁銳義等各率
練勇分投勦殺斬首二百十三級溺斃約百人尚有賊千餘經署
臬司李孟鞏督飭水師遊擊何越班率勇登岸擊退此次賊匪欲
鈔襲各營後路官軍未爲所乘水陸併力禦之故連戰皆捷臣仍
督飭各營資力攻勦迅殄逆氛 上諭胡林翼奏武漢賊勢尙形
倡獗該署撫所帶兵勇旣嫌單薄自未便再行分撥摺內所稱擬
選派精卒委臬司管帶渡江協勦係恐賊由漢沔上竊荆襄繞出
水師後路但此時隨州已復沔陽一帶賊匪亦經擊退孔虧順所
帶官兵已由棗陽一路進勦德安西凌阿所統官軍不日可出豫

境當可遏賊上竄若李孟羣再帶兵渡江恐該署撫兵力愈單金
口一帶不能堵截轉致該匪沿江上竄未爲得計所稱擬令李孟
羣挑選兵勇管帶渡江之處仍著該署撫酌量緩急相機辦理塔
齊布見在九江未能卽時攻克萬不能分身來楚孔廣順進攻北
岸必須德安之賊埽除方能進擣漢陽該署撫惟當就見有兵力
速籌勦辦如江北肅清西凌阿等自能進兵與南岸夾擊也潰散
兵勇隨時裁汰所辦甚是第所裁之數至一千三四百名應如何
添補助勦並著妥籌辦理昨據御史張駿奏請實行鄉團以節糜
費等語並著該署撫飭屬妥辦如湖北黃州河陽等處鄉團頗能
得力而河南各屬卽藉鄉團爲名抗糧滋事總在體察民情慎選
牧令固不得視爲具文亦不可拘泥成法原摺鈔給閱看將此由
六百里諭令知之○己丑諭內閣崇實奏遵旨明白回奏一摺崇

賈因家人高世棟與朱二涉訟輒向刑部堂官屬託並稱承審司員聽情受賄迨經刑部奏參降旨命該侍郎明白回奏乃據奏稱承審官將原告刑責改供難保無聽屬開脫情弊並未確指爲受賄並稱但以案情曲直向刑部各堂官議論並無屬託私語與刑部所奏情節不符捏詞摭拾實屬有意徇庇崇實著先行交部議處至朱二訛詐高世棟錢物並偽寫借字是否有設局誑騙搶奪情事著賈楨穆蔭會同刑部研訊確情按律定擬據實具奏○庚寅河東河道總督長臻卒予祭葬○以李鈞爲河東河道總督謂廷襄爲刑部左侍郎由順天府尹遷○辛卯諭軍機大臣等戶部奏請飭催按月應解京餉一摺京師按月應放兵餉不敷甚鉅前經戶部奏明於山東河南每月解銀十五萬兩撥充京餉該二省自接到部文後卽應趕緊籌解何以並未據報啟程山東軍務業已告

竣河南並無賊蹤上忙錢糧亦應徵足戶部止令每月解銀十五萬兩辦理似屬無難若並此不解置根本於不顧任意遷延豈前奉諭旨該巡撫藩司竟敢視為具文耶著崇恩英桂嚴飭藩司將六月分應解京餉按每省十五萬兩之數無論何款先行提動限於六月二十日以前全數解到嗣後每月應解銀十五萬兩均以每月十五日為限悉數解部儻有遲延及交不足數以致兵餉貽誤朕必將該巡撫藩司執法懲治決不寬貸將此由四百里各諭令知之○是月蠲免江蘇橫浦等場被賊竄戶額賦緩直隸景州等十七州縣被賊村莊額賦賑景州等三州縣災民

東華續錄

咸豐四十九

臣王先謙敬編

臣陶濬宣恭校

六月癸巳浙江巡撫何桂清奏請飭前任河南河道總督潘錫恩辦理安徽甯國府糧臺事務允之○甲午河南巡撫英桂奏察看河北三府情形遵旨裁撤聯莊會得旨覽奏殊深塵慮果能安靜散解固好若仍行抗拒更恐兵力不敷彈壓尤應早為計及又奏光州所屬剿辦捻匪情形批易添富務須嚴拏必獲不准任其遠颺又奏籌撥西凌阿軍餉豫省情形支絀想請飭部另撥又批戶部酌量續為籌撥○乙未諭軍機大臣等陳啟邁奏義甯州城失陷調派兵勇防勦一摺遊擊吳錫光既經陣亡賊勢益熾恐南昌守城人情震動該撫飭調劉開泰帶勇前進兵力究嫌單薄吳錫

光所帶之勇著劉開泰收集統帶藉壯聲威前據向榮王懿德奏報逆匪於四月二十二日復陷休甯其饒廣一帶原未可稍形鬆勁惟此時省城急需兵力著卽照該撫所請速調羅澤南一軍兼程來省以爲後援省城布置周妥羅澤南仍當星速出省與劉開泰合兵進剿不可專以保衛爲名致成株守曾國藩水軍近在吳城船隻業已齊備旣不能迅克都昌扼賊往來之路卽當保衛省垣先固根本豈可專恃羅澤南陸軍而置水軍於閒地著與陳啟邁妥速布置俾羅澤南到省後卽可進攻義甯不至牽掣該處與湖北通城湖南平江等處均屬接壤萬不可令其日久負嵎致三省聲勢隔絕勦辦愈難得手饒州一帶仍著該撫飭令趙如勝等妥籌防勦毋得稍有疏懈將此由六百里各諭令知之○以山西防堵出力賞已革太僕寺少卿徐繼畲五品頂帶○予江西殉難

知州葉濟英等祭葬世職建祠○丙申以擒獲逆首黃有使子福
建文武官紳陳榮登等升賞有差○丁酉諭內閣前因逆匪竊擾
常山開化邊境當經諭令何桂清將該管鎮道咨報情形有無扶
同捍飾確查覆奏茲據何桂清奏稱衢州鎮總兵富勒興阿金衢
嚴道劉成萬自設防以來於防勦事宜尙知講求迨賊擾常開該
鎮道等駐紮五里亭寶綠道路分歧不能兼顧竝非有心退縮惟
常山之曹城開化之華埠等處被賊蹂躪究屬辦理不善富勒興
阿劉成萬均著交部議處台州協副將豫祺自玉山折回常山調
赴曹城防堵又調赴威平衢州等處所帶台勇未能用命沿途滋
事不能約束豫祺著先行摘去頂帶以覩後效儻再不知振作卽
著從嚴參辦○諭何桂清奏官兵勦賊獲勝克復休甯一摺安徽
休甯縣城於四月二十二日復被逆匪占踞經周天受石景芬等

於五月初八等日三次攻勦先後斃賊四百餘名賊勢稍卻十五
日鄧紹良等督兵齊抵城下誘賊出城痛勦殺賊甚多僞檢點黃
姓陳姓及賊目多人亦均殲斃鄧紹良隨派川楚浙兵連夜進攻
賊勢不支於五更時潛出西門由黟縣一路奔竄當將縣城收復
此次收復休甯尙爲迅速仍著鄧紹良等盡力攻勦務將徽寧之
賊悉數殲除毋留餘孽所有在事出力官紳弁兵著查明保奏○
諭軍機大臣等官文奏行抵襄陽布置進勦情形一摺德安賊匪
經官兵截勦意在下竄而天門京山賊已分股竄撲該處偏近安
陸道路處處可通設竄入襄河勾結肆擾不特荆襄可慮且恐由
上游各處再圖北竄自應分路進兵爲四面兜圍之計該督見派
川兵先赴天門並催楊昌泗等由阜市前進葉椿所帶之勇飭赴
京山又留川兵二千駐紮安陸以爲天門京山兩路援應相機前

進布置尙屬周密西凌阿此時諒已馳抵楚境卽當迅速前進按照官文所咨情形乘德安賊匪無多將郡城剋期收復使該逆不敢覬覦北犯庶可節節偏進由楊店一路進攻漢口該督卽統帶兵勇由襄河兩岸水陸並進直搆漢川仍當與西凌阿胡林翼聲勢聯絡隨時知照合力兜擊以期克復武漢兩城該大臣等務須乘賊鋒甫挫趕緊分路進剿毋得稍事遷延致失機會至投誠義勇仍著該大臣妥爲約束毋令別滋事端將此由六百里加緊諭令知之○諭官文奏軍需緊要請飭各省按月籌撥等語見在楚北剿賊喫緊西凌阿官文等所帶兵勇需餉浩繁著黃宗漢英桂王應雲趕緊設法每月各行籌撥餉銀五萬兩解往西凌阿軍營以濟兵食竝將起解日期迅速具奏一面行知該大臣等派員前往迎提卽未能湊足五萬兩之數亦須按月撥解二三萬兩藉資

接濟不能以無款可籌及另請改撥各詞遷延推諉致滋貽誤將此由六百里加緊各諭令知之○盛京將軍英隆等奏鐵嶺屬界木身正金廠久經封禁復聚集奸匪意欲淘金當卽派委官兵捕獲首從各犯餘匪驅逐淨盡得旨此等匪犯必應嚴懲著英隆親提各犯訊明分別正法擬罪具奏○辛丑胡林翼奏南北兩岸賊匪迂道上竄臣分派精幹勇丁各路密探竝知會署臬司李孟羣副將王國才水陸進攻五月十五日賊匪大股分六路來撲每路約二千人臣豫派于總周德魁等分路迎剿連斃執黃旗悍賊數名騎馬賊目四名賊黨百餘名賊卽退卻我軍奮力爭先伏兵兩路齊起鈔襲賊俱奔潰殺斃淹斃賊匪七百餘名生擒三百餘名其循江下竄者經署臬司李孟羣知府彭玉麟伏兵截擊斃賊百餘名生擒十二名逼入大江淹斃者二百餘名我軍乘勝追勦

三十里次日探聞賊匪敗回者仍住紙坊地方我軍大隊直擣賊營乘南風大起施放槍礮火器力戰移時賊乃大潰連踏賊營二座斃賊甚多餘匪分股逃竄周得魁等帶勇追剿直逼武昌小東門賊匪狂奔入城我軍暫在城外駐紮竝於紙坊金口犄角立營計兩日之戰殲擒淹斃及雜髮解散者不下三千餘名賊膽已寒軍氣倍壯惟是逆匪詭譎異常其上竄之賊尤恐苟結崇通餘匪必應卽時搜捕除飛咨岳州加意嚴防竝派水陸弁勇入湖雕勦外臣仍駐金口老營會商李孟羣王國才彭玉麟等俟上游勦匪事竣卽行併力進攻以期克復武漢仰慰 聖懷此次尤爲出力員弁兵勇可否仰懇 天恩先行獎勵以勸後來 上諭內閣武昌漢陽賊匪經胡林翼等聲次勦辦乘勝進攻殲擒淹斃及雜髮解散者不下三千餘名賊鋒已挫著胡林翼等乘此聲威督飭諸

軍奮力攻勦以圖克復又奏

臣

於五月初九日探聞賊匪潛出大

股迂道陰襲官兵後路

臣

營前已分布兩岸無兵可分於未刻拔

營不及半日賊果大至力戰三日敗賊四散迅卽揀派陸勇會同

水師入湖搜勦竝派湖南來援之守備謹瓊林回防六溪口及岳

州等處江路要隘仍恐逆賊勾結崇通土匪餘燼復然一面飛飭

岳州加意防範

臣

見駐金口已退離袁家河三十八里之遠雖竄

匪有應追之勢而

臣

營無再退之理當俟援勦上游兵勇回營仍

迅速進攻武漢惟是武漢形勢外江內湖進勦頗多阻隔如北路

兵勇速至分途進攻自易克復第溽暑之時澤國沮洳北來兵勇

水土能否服習尙難遙揣且北路兵勇自當步步爲營以次漸逼

斷不可任其輕進失利

臣

謹就武漢之大勢切實思議查去年前

督臣楊需將軍官文之兵勇均已進逼楊店蔡店軍山而漢陽之

後路已斷岳州屢勝之兵勇又分爲三大支以全力注於武昌賊畏提臣塔齊布之威不能堅守而塔齊布又繞出洪山乘其思遁而力勦之故兵始到而賊卽敗竄又查二年提臣向榮以重兵數萬分布武昌各門而全力扼守洪山賊卽遁竄是進兵武昌固必以洪山爲扼要矣武昌城周二十里城門凡九臣之兵力攻其一而遺其八兩月以來逐日攻堅迄未得手誠爲失算卽擬繞出洪山之下尙恐兵力不敷糧路中斷使賊果出城抗拒尙可力戰以倖成功若堅閉不出徒以礮石自守官兵將有坐困之勢此武昌一路之實在情形也至漢陽城外四面皆水騎步卒均阻沮澤賊又四面皆設陷阱環以溝壘防守倍嚴臣於正月二月僅帶勇循江隄一路進勦賊得專力抵禦於牆隙施放火礮中傷勇士甚多故不得手欲攻漢陽必須於潁口蔡店先以北來重兵扼其險

要深溝高壘不必交戰而賊之上犯襄河者來去之路已斷

臣

再

開濱江隄放水師入湖同陸兵力扼其西並設法以水師橫出襄河外江內河同時夾攻漢陽可期速復鄂省之咽喉始通不難併力專注武昌蓋鄂省十府黃州居其下武昌居其南其餘八府皆以漢陽爲門戶自來治鄂者必以漢陽爲重亦形勢然也一俟追勦上游水陸各軍不日回營卽當咨商督臣迅將南勇義勇川兵之服習水土者先行前進更當審擇形勢所宜併力一處先其所急以期仰副 聖主眷念南服之至意 上諭軍機大臣等官文前奏咨商西凌阿先復德安扼賊北竄令訥欽進兵以爲後應該督由襄陽親率各兵勇從襄河兩岸水陸並進本爲居中策應之法據載增等奏逆匪窺探荆襄道路約會漢川賊匪分路赴襄若由天門縣繞越仙桃鎮恐匪蹤橫出潛江直竄安陸已飭常恩帶

鄉勇就近兼顧其安陸一帶卽著官文前調之楊昌泗葉椿各兵
移往駐紮惟官文以隨棗一帶均經布置謂北路可以無虞又聞
德安賊匪將欲下竄而西凌阿則稱該逆死守德安經劉富成等
帶兵進攻該逆滾木擂石布置甚密似無下竄之意該大臣兵力
單薄不敷圍剿請飭官文會同合剿德安其天門京山等處股匪
該督已分派兵勇堵剿若德安克復則餘匪不擊自退見在西凌
阿已於四月初六日由信陽赴楚著官文一面飭令湖北糧臺將
西凌阿軍營應需軍火等項隨時支應一面酌量情形親自督兵
與西凌阿會合攻克德安先清北面以遏賊北竄之路然後與胡
林翼會合水陸進攻武漢於南北情勢似屬相宜著官文通籌大
局相機辦理朕亦不爲遙制惟不可以德安一城委之西凌阿致
令兵單力薄未能一鼓殲除其沔陽天門一帶業經載增等多調

練勇並飭署藩司常恩帶潛江鄉勇就近防堵沙陽一路正當賊衝仍著官文撥兵援勦以免疏虞胡林翼駐營金口屢次勦賊獲勝惟無大兵會合未能卽赴武漢據奏欲攻漢陽必以北兵於湏口蔡店扼其險要並以水師橫出襄河之內方可併力武昌所見尙合機宜該署撫擬商該督將南勇義勇及川兵之服習水土者先行前進著官文俟北路進兵漸有頭緒卽應商同該署撫籌畫進攻武漢迅奏膚功以慰盼望將此由六百里加緊各諭令知之
○壬寅諭軍機大臣等勞崇光等奏廣東肇慶府城業經克復匪徒駛竄潯州派兵防勦一摺據稱四月初六日廣東大隊兵勇由下游直搗肇慶賊巢擊沈匪艇殲斃匪黨無算將府城克復該郡城爲賊占踞已逾半載茲經官兵攻勦克復辦理已有頭緒惟該匪由德慶封川一帶向梧州竄駛攻撲府城雖經兵勇擊退而匪

艇陸續由平南竄至潯州登岸攻撲東西兩門且潯梧一帶土匪
最多難保不乘機蠢動據奏該督已撥淺水兵船八十餘號交張
敬修管帶赴潯州進剿但匪黨尙多勢猶猖獗此項兵船仍恐不
敷勦辦著葉名琛酌量情形再行添撥兵丁船隻前往潯州協剿
務將此股匪徒悉數掃除至廣西地方兵單餉竭係屬實在情形
見在韶州解圍肇慶克復廣東剿匪漸有就緒葉名琛統轄兩省
務卽設法籌濟廣西軍餉不至顧此失彼方爲妥善另摺奏游匪
竄擾灌陽擊敗後竄至湖南東安等語著勞崇光惠慶派撥兵勇
會同湖南文武員弁不分畛域實力兜剿毋任蔓延昨據御史張
駿奏請實行鄉團以節糜費等語粵省土匪出沒無常幾於伏莽
偏地如果地方官認真團練亦可濟兵力之不逮該督撫等務當
實力講求不得視爲具文原摺鈔給閱看將此由六百里加緊各

諭令知之○癸卯曾國藩塔齊布奏四月十二日臣曾國藩水軍

臣

曾國藩水軍

由吳城移紮南康前隊戰船進泊青山地方南康老營下則攻湖口之賊冀欲力破此閘上則防都昌之賊撈船而襲我後路二十日派定湘營何啟長往勦都昌陸賊二十二日抵馬家堰圍燒該逆接濟湖口糧船百餘號至徐家埠復燒賊船五十餘號又至都昌城下燒賊船百餘號至土塘燒賊船四十餘號生擒長髮賊五名焚斃溺斃數十名五月初八日聞逆匪復在都昌撈船掠糧又派孫昌國前往搜捕燬賊船二十餘號十三日我軍派船九十一號至青山一帶放哨適賊船自姑塘上犯由西岸斜渡東岸勢甚兇悍我中營賀虎臣定湘營何啟長帶船渡至東岸迎敵而留蕭捷三等三營於西岸鈔賊後路該逆力撲東岸賀虎臣等揮旗力戰賊勢已卻又因西岸各營來鈔賊復回拒攢礮對擊鏖戰兩

時之久斃賊約三百人東西兩岸之賊紛紛敗竄臣曾國藩上游接應師船亦同時駛至該逆迷亂失措我軍列礮環攻追奔二十餘里至鞍山以下燒毀賊船三隻始行收隊查該逆前恃民船數千震人耳目其能戰者不過戰船數十小划數百上年冬間始聞其在皖修船習戰不謂遽爾操練成熟梟悍異常賴內湖水師奮勇決戰倖獲全勝所有出力員弁額懲臣天恩容等擇尤保獎再湖口之賊時欲撲我水營潯城之賊時欲撲我陸營近日賊船由上游駛下者甚多潯泊潯江聲言大舉臣塔齊布陸軍晝夜嚴防擬趁該逆出巢乘勢痛剿至羅澤南一軍自景德剿賊後經等飭令仍回饒州都昌與水師會攻湖口茲可與九江陸營聯爲一氣三路合師軍威無難復振乃因義甯失守經江西撫臣調羅澤南速回省城湖口東岸旣無陸兵則水師之孤懸可慮三路之

會合無期是以不免掣肘 上諭軍機大臣等曾國藩等水陸兩軍必須聲勢聯絡方可得力自師船阻入內湖塔齊布一軍孤懸無助見聞賊勢猖獗而該處又無兵可撥甚爲可慮曾國藩水師固應速出湖口而此時姑塘青山一帶賊船蠻聚若非勦除淨盡則內患未除何以禦外著曾國藩督飭將弁先將湖內賊船盡力埽除方能出江與塔齊布會合至羅澤南一軍爲賊牽掣未能卽歸九江著俟義甯勦辦得手後卽行調回與曾國藩塔齊布等併力會勦見在塔齊布兵力稍單總須攻守兼施不得稍涉大意致損聲威此外江西省有無可調兵勇竝著陳啟邁悉心籌畫酌撥前往塔齊布軍營助勦以壯聲威而挫賊鋒或先克九江或先將鄱湖賊船悉數埽除則水陸兩軍可併而爲一庶幾逆氛漸就肅清不至如今日之掣肘矣該侍郎等務當通籌大局謀勇兼施以

副朕望將此由六百里加緊各諭令知之○甲辰諭軍機大臣等
恆春蔣霨遠萬福奏貴州郎岱廳屬夷匪滋事及台拱等處勦辦
苗匪情形各摺片該省上下游夷苗各匪同時竊發各標營兵自
未便紛紛調撥致有顧此失彼之虞見在既有未經歸伍之滇兵
六百名黔兵一千五百名亦已足敷勦辦著蔣霨遠萬福卽飭派
往之王成璐福連等迅將此股夷匪勦撫兼施務使一律安靖以
免蔓延至台拱苗匪滋事前經特旨查詢見據恆春等奏雖間有
擒斬而此拏彼竄未就肅清至清平匪徒得以乘機肆擾該撫既
派承齡前往督辦卽著迅速勦捕毋稍延緩郎岱台拱距省皆不
甚遠蔣霨遠見在省城儘可督飭調度萬福尙未回川亦可就近
督辦儻貴州兵力不敷著恆春酌調雲南精兵選派得力將弁帶
往協勦該督卽毋庸親自前往將此由五百里各諭令知之○乙

已諭內閣葉名琛柏貴奏封川縣城被匪攻陷見經克復一摺上
年閏七月間廣東波山匪船竄至封川地方經都司楊雄超等督
率兵勇迎勦先後擊沈匪船四十餘隻越日匪徒千餘人攻撲縣
城教諭傅光瑜署千總張榮輝等帶同兵練抵禦因眾寡不敵張
榮輝被傷倒地賊卽蠭擁入城十一月十五日張敬修派外委張
兆祥等帶領練兵水陸竝進用礮擊沈匪船竝生擒首逆張亞杰
黃亞環麥幅三名當將縣城克復餘匪逃踞都樂都城張敬修復
督兵往勦將都城都樂匪巢一併焚毀此股賊匪業經大受懲創
仍著葉名琛等飭令張敬修等督兵追勦悉數殲除毋留餘孽○
論葉名琛柏貴奏官兵攻勦虎門匪船殲擒首逆地方安靜一摺
廣東殷匪馮驥觀等糾黨駕船在虎門一帶村莊肆擾經高州鎮
總兵慶寅帶領閩省官兵趕往校椅環等處圍擊環攻生擒逆匪

黃培基等七名干總劉興邦生擒僞元帥馮驥觀外委倪志祥生擒僞先鋒陳達賢閩廣兵勇陸續擊獲僞軍師劉亞溫竝夥匪李亞單等五名共計殲擒淹斃賊匪一千餘名虎門一律平靖逆首馮驥觀等膽敢糾眾滋擾攻撲礮臺經慶寅等統帶閩省兵勇駁抵虎門將首夥匪犯殲擒正法辦理尙爲妥善所有此次出力文武弁兵著葉名琛等覈實保奏○英桂奏據羅山縣知縣鄭元善稟訪聞息縣監內逃出擒首劉牛糾黨滋事當督同前任典史任浩及鄰封兵役將該犯拏獲據供息縣破城時實係勾結易添富等進城劫獄訊明後當卽處斬竝據兼理息縣知縣耿潛修稟擒獲擒首王灤奎等十名及張秉魁等三名正法又據正陽確山兩縣文武稟拏獲要犯徐小導等十四名臣以尙有自楚潰回之首惡易添富及勾結匪黨攻破息城之要犯朱明義未獲復飭認真

搜拏旋據新蔡縣知縣馬筮乾稟朱明義帶同捻匪數十人竄入縣境當卽會合兵勇圍拏朱明義情急自戕見被拏獲等情查朱明義上年隨同李士林赴楚充勇復與易添富潛行潰回見經就獲實爲地方除一大害已飭卽行正法其易添富一犯仍飭上緊嚴拏見在光州地方一律安靜邱聯恩仍督兵駐紮息縣包信集搜捕餘拏報聞○予廣東死事總兵官韓嘉謨等祭葬世職○丙午諭軍機大臣等崇恩奏盜艇蠻聚東洋請飭盛京直隸嚴防竝飭兩江分撥舟師邀截一摺據稱六月初三日有南來盜艇三十隻占踞石島口門竝有火輪船二隻在外洋游駛又據卽墨縣報稱初五日有盜艇十七隻駛入該縣金家口外香島停泊探係上海縣勦散餘匪等語本年夏間山東洋面屢有盜船闖入窺伺漕糧見在石島口門盜艇聚至數十隻之多竝有火輪船二隻恐

該匪狡猾伎倆聲東擊西盛京直隸沿海一帶地方必須亟籌防
勦英隆前奏飭水師營將弁於兩省接界洋面實力梭巡竝令旅
順守口停泊之處配齊軍火聽候調遣著卽隨時偵探嚴飭各弁
認真堵勦並知照山海關副都統富勒敦泰一體嚴防毋稍鬆懈
天津一帶口岸最關緊要此時海運漕船甫經報竣該處爲商賈
輻輳之地尤應加意防備著桂良督飭天津鎮道嚴密防範仍當
示以鎮靜不可稍涉張皇怡良等前奏派署都司周建勲管帶曾
船五隻並挑雇高大艇船五隻派署都司景又春管帶赴東會同
署遊擊張鳳翔及山東水師合力勦捕著卽飛飭張鳳翔等星速
駛赴石島一帶奮力兜勦惟盜船聚至數十隻此項兵船尙恐不
敷哉勦著怡良等再行酌撥兵丁船隻揀派得力將弁統帶赴東
會合兜擊總期一鼓殲除毋令肆行擾害盛京直隸各海口如探

有賊蹤著一面嚴防一面據寶具奏將此由六百里各諭令知之
○諭崇恩奏盜艇蟻聚東洋探係上海餘孽一摺既據探聞係上
海餘匪有攻城擄掠之語必須迅速剿除勿使闖入海口該撫見
因兵力不足僅能於沿海口岸飭令文武員弁竭力防守自係寶
在情形已諭知怡良等分撥師船至東省洋面會剿崇恩見在省
城如海防實形緊要該撫卽斟酌前往督辦另片奏營兵無可再
調請將備調河南兵一千名留於本省防堵等語見在湖北賊踞
德安豫省防務亦未可稍鬆惟東省洋面旣係喫緊著暫將此項
官兵留於山東防堵仍著嚴飭署登州鎮郝上庠竝登萊青道張
鳳池等督率各弁兵認真巡勦加意嚴防斷不可令洋面盜艇攏
近口岸別滋事端俟江蘇師船一到卽合力會同兜勦毋稍遲延
將此由六百里諭令知之○諭前據恆春等奏貴州郎岱夷匪及

台拱清平苗匪滋事當有旨諭令蔣霨遠等就近督辦並令恆春
酌調滇兵協勦覽該督撫等前奏夷匪係因桐匪竄擾乘機搶掠
清平匪徒則乘台拱黃平苗匪搶劫同時竊發本日有人奏楊鳳
倡逆之始卽句結該匪須報阿保松等藉鬧糧爲名並起滋擾楊
逆雖殲該匪等仍盤踞鎮郡及清平施秉各屬並湄潭甕安一帶
大定興義各郡皆有土匪哨聚竟有竄攻黃平城之事是該夷匪
苗匪早與楊逆勾通一氣互相煽惑與蔣霨遠等所奏情形不同
該撫當楊逆起事之日竝未知有各匪勾結情事已屬形同聲噴
若不及早撲滅致令蔓延自問當得何罪著卽嚴飭王承瑞福連
承齡等趕緊勦辦應添兵力卽著恆春酌撥前往會同勦捕至該
匪首須報等務卽按照單開住址不動聲色嚴密查拏毋任免脫
其如何起釁根由並著據實覆奏原摺單均鈔給閱看再御史張

駿奏請實行鄉團以節糜費等語黔省各匪不靖此拏彼竄若果團練有效亦足以濟兵力之不及該督撫等務當實力辦理以期戢暴安良原摺著一併鈔給閱看將此由五百里各諭令知之○丁未以文格爲湖南布政使魁聯爲湖南按察使候補接察使○戊申

諭軍機大臣等托明阿等奏截勦金陵接濟賊船竝進攻瓜州情形一摺此次金陵賊船裝載米石欲赴下游接濟雖經官軍水路截擊但擊沈大船僅止二隻奪獲划船亦不過十餘隻竝未大受懲創而上游逆匪猝船尙復連橋腐聚官兵防不勝防又不能迅速攻克處處牽掣何時可了據該大臣等奏瓜州溝塹重重百計誘之不出直欲待江面肅清進攻始能得手試思江浦等處賊蹤所以不能肆擾者皆因未容登岸無險可踞故截勦易於爲力若瓜州賊巢能卽攻破則雖有賊猝下駛亦易防勦該大臣等不知

賊船之敢擾北岸由於瓜州之不克而轉謂瓜州之難攻由於江面之未清豈得謂操勝算著卽督飭水陸將弁設法速攻不得藉口天雨沮洳逆匪堅拒再事耽延亦不准待賊出撲始行截勦總宜謀勇兼施迅圖克復毋得視爲詰誠之虛文也再御史張駿奏請實行鄉團一摺著該大臣等體察情形認真籌辦見在六合江浦等屬辦理均有成效此外沿江各州縣亦應一律倣行以資捍禦原摺著鈔給閱看將此由六百里加緊諭令知之○諭前因山東巡撫崇恩奏盜艇蟻聚東洋請飭盛京等處嚴防當經諭令英隆等隨時偵探堵勦竝知照山海關副都統富勒敦泰一體嚴防本日據山海關監督成善奏稱五月十一日突有盜船十餘隻隨同商船進沒溝營口至擣木溝河面開放火礮劫擄商船將出進船隻截住勒索銀兩至二十七日始行退出海口見在是否遠颺

尚無確信等語沒溝營口商船雲集稅課攸關豈容盜船停泊口
門肆行擾害著英隆恆裕卽遴派得力將弁馳赴該處設法堵勦
並著查明盜船是否遠颺駛往何處隨時相機嚴密防範將此諭
令知之○貴州巡撫蔣霨遠奏謝開復革職留任處分恩得旨防
患未然爾疆吏之要務卽有莠民煽惑總應於初起時迅速辦理
據寶入奏乃朕聞汝於桐梓之事有意彌縫迨不可收拾猶復不
肯據寶入奏近又有人奏楊逆勾結苗匪詎汝又分爲兩事止圖
將就目前不慮貽誤匪輕清夜捫心能無愧乎○正黃旗漢軍副
都統侍順奏黃河迤南拉安族番人向善投誠請飭交督臣暨西
甯辦事大臣辦理得旨著咨行易棠東純令其妥爲查辦○予廣
東殉難知縣馬斌等祭葬世職○庚戌諭內閣何桂清奏官軍出
嶺剿賊大勝克復石埭縣城其逃往祁門之賊亦經我兵追勦竄

出各嶺徽州一律肅清此股逆匪自休甯敗走復敢由黟縣竄踞
石埭縣城窺伺甯國提督鄧紹良督兵出嶺追勦會合甯國官紳
克復城池聚殲悍賊二千餘人不留餘孽勦辦尙爲妥速鄧紹良
著交部從優議敘其餘在事出力文武官紳人等著何桂清會同
該提督查明分別保奏候朕施恩○諭前因粵匪滋事疊次諭令
各直省督撫大吏督飭地方官會同紳士舉行團練比年以來各
該省紳民人等均能深明大義志切同仇其殺賊禦侮著有成效
如直隸天津河南許州山東單縣及江南六合安徽六安等處經
該督撫隨時保奏均經降旨嘉獎見在北路肅清直隸山東山西
等省距賊較遠地方自應量予裁撤以息民力河南省除與皖省
毗連之州縣仍宜舉行團練藉資捍禦其餘各州縣所辦聯莊團
練著該撫出示曉諭酌量裁撤俾小民各安農業無妨生計並著

直隸山東山西各督撫各就地方情形斟酌妥辦其辦理聯莊團練尤爲出力者著各該省督撫查明酌量獎勵以昭激勸○辛亥諭內閣前據刑部奏見審案內有大員屬託等情當派賈楨穆蔭會同刑部審訊並因侍郎崇實於此案尙未審結輒聽信家人高世棟訴說之詞向刑部堂官負氣辨論迨奉旨明白回奏復將高世棟被朱二詐取錢文指爲伊所發給並將朱二挾嫌嚇詐情節稱爲設局誑騙糾眾搶奪於高世棟飲酒遊蕩則代爲徇隱所奏與見審情節俱不相符是該侍郎旣徇庇於前復掩飾於後崇實著照部議降三級調用並再行交部議處○諭軍機大臣等向榮奏師船上抵蕪湖陸軍會剿情形一摺此次師船由烏江直上突過東西梁山其江南鎮一軍已收復太平黃池一軍又已進抵蕪湖沿江一帶似有起色但東西梁山賊營尙未全毀師船上駛僅

保乘風衝突德安既禁營太平城外卽應設法將東梁山賊壘全數埽除一面會合和州烏江兵勇併力埽蕩西梁山賊壘則太平之守可固不至旋得旋失然後繞至蕪湖與吳全美等水軍明安泰陸軍力籌攻克自可扼斷逆縑往來要路蕪湖當江皖之衝一經克復賊必悉力來爭萬不可稍有疏失重煩布置師船自入江以來大小數十戰始能上抵蕪湖正宜得尺則尺有進無退不得因風色稍差致有退駛鄧紹良已由石埭馳回甯國正在蕪湖之後著卽督飭兵勇策應陸軍以爲水師聲援本日復諭知和春福濟酌撥兵勇或由江北夾擊或徑渡江協勦如能合力齊攻自可剋期制勝就所奏情形而論沿江而上賊之礮臺愈多船簰愈密進攻固屬較難而攻克以後陸軍之屯紮師船之進止尤須步步留意始能乘勝長驅該大臣等務宜統籌全局與江北軍營聲勢

聯絡爲肅清江面之計北路得勝官兵前曾撥出馬隊二千餘名由副都統麟瑞管帶以一千二百五十名交和春等分撥布置以一千名交向榮調遣此項官兵到營後應赴何路攻剿著向榮與和春等妥商分撥鎮江近日軍情未見奏報據吉爾杭阿前奏似已漸有把握能否卽行克復連日是否進攻情形若何竝著吉爾杭阿隨時速奏將此由六百里加緊各諭令知之○諭向榮奏師船埽蕩乘風直上攻抵蕪湖急籌併力克復一摺蕪湖爲該逆往來要道若能攻克扼守斷絕賊船勦辦庶有把握惟該處爲逆賊必爭之地援應甚多非水陸併力大舉恐難剋期收復見在軍威頗振此機誠不可失恐陸路諸軍仍形單薄務須於江北速撥精兵接應會合夾攻可期決勝著和春福濟於皖省見有之兵就迅速籌撥選派得力大員管帶星馳前往該處或在江北策應或

令渡江協勦斷不可有誤事機前據英桂奏山東撥往馬隊於豫省不甚相宜已諭令撥出一千名交向榮軍營其餘一千二百五十名交和春福濟軍營此項馬隊均歸麟瑞管帶前往諒已早抵廬州應如何分撥布置之處卽著和春等妥籌辦理再御史張駿奏請實行團練一摺著和春等體察情形認真籌辦以資捍衛原摺著鈔給閱看將此由六百里加緊諭令知之○以基溥爲工部右侍郎由左副都御史遞○壬子諭軍機大臣等前因山東省石島香島等洋面屢有盜船游駛劫去海運米船銀兩復聚集多船意欲肆行擄掠竝據山海關監督成善奏稱有盜船十餘隻進沒溝口至擣木溝河面劫擄商船疊經諭令英隆恆毓桂良崇恩於各海口嚴密防範設法勦捕竝諭令江南省撥兵會勦據英隆等奏已撥師船五隻駛赴牛莊沒溝營口外攻勦兼撥師船二隻於旅順口

校巡竝據怡良等奏派委都司周建勲景又春管帶挖罟艇船各五隻前赴東省洋面會同前派護漕之遊擊張鳳翔協力攻剿此項師船業已陸續至東近日勦辦情形未據崇恩奏報朕聞奉天牛莊等處見聚盜船至三十餘隻之多專俟商船裝豆南下乘機掠掠所有海運回空各船見俱不敢前往裝豆山海關貨船亦俱被匪船閹阻不敢駛出洋面似此盜匪橫行致令商船裹足有礙明年海運所關非細奉天水師兵力單薄恐不敷勦捕見在江南師船想已行抵石島洋面著崇恩就近傳諭周建勲等統帶各船前赴山海關及奉天等處勦捕若東省尚有盜船務飭該都司等實力攻剿迅速戒事直隸各口岸仍著桂良督飭各該地方官周密嚴防毋許稍有疏忽至奉天省派出師船已否接仗未據續報著恆毓英隆督飭該將弁等迅速籌攻俾通商旅不得恃有江南

之船前往轉致遷延貽誤此項盜船多係閩廣艇匪如福建洋面
巡拏緊急方可杜其來源著王懿德卽行知照水師提鎮於閩省
洋面實力勦捕以絕匪蹤不得稍涉大意將此各諭令知之○諭
全慶文彩奏海洋不靖恐妨新漕轉運請飭船商集貲雇勇自行
護送一摺本年江浙米船有在洋被劫情事幸爲時尚早損失無
多此時奉天牛莊直隸山海關山東石島等處洋面各有盜船數
十隻據掠商船勒銀釋放以致抵津沙船未歸者不少如此情形
恐誤來歲新漕自應及早籌畫據該尙書等奏稱海盜據掠商船
該商等志切同仇願出貲自衛請飭下江浙各督撫集紳董稅行
委爲商酌令江浙兩省往來山東直隸奉天等處船商公同出貲
多雇水勇駕駛堅大船隻在洋護送所募水勇務擇熟悉洋面俱
有身家者取具保結再由該商等公舉熟習情形公正可靠之紳

士數人管理一切所有出入經費均毋庸官爲經理漕竣無誤卽由該省督撫從優保獎等語自係爲慎重新漕起見著怡良吉爾杭阿何桂清妥爲籌商如事在可行卽酌定章程迅速具奏儻有窒礙難行之處亦卽據實速奏此項匪徒多係閩廣艇船前經諭知怡良於周建勳景又春所帶師船外再行酌撥兵丁船隻赴山東石島等處洋面截剿見聞該匪艇在山海關奉天牛莊等處肆行闖劫著怡良等卽飭師船於石島剿捕後迅赴山海關牛莊等口外將匪船截擊以安商旅至江浙洋面如有匪艇行駛著各該督撫飭水師將弁一體進剿以杜來源原摺著鈔給閱看將此各諭令知之○癸丑諭軍機大臣等前因山海關奉天牛莊等處聚有盜船多隻諭令英隆等督飭將弁迅速籌攻本日據英隆等奏五月三十等日沒溝營駛回盜船又竄入復州娘娘宮海口登

岸搶擄貨物立將戰船圍劫燒毀旋又駛至金州羊頭窪口外洋面六月初十日復有盜艇三十二隻直入口內撲岸經兵勇轟擊斃匪多名盜艇仍盤踞營口此項盜艇諒卽係石島等處游駛之匪船膽敢抗拒官兵登岸劫掠應卽實力勦除惟奉天師船不敷勦辦著英隆等飭令各海口員弁兵丁嚴守口岸毋任該盜艇再有登岸劫掠之事竝著崇恩仍遵前旨採明江南撥往山東洋面之挖罟等師船見在行抵何處飭令該都司周建勳等帶赴山海关奉天等處洋面迎截匪艇併力攻剿務卽迅速殲除毋令逃逸山東各口仍著崇恩飭屬嚴防竝著英隆等知照富勒敦泰於山海關口岸督兵防剿待江南師船一到即可會同夾擊不使艇匪久踞洋面肆行擾害將此由五百里各諭令知之○諭前因廓爾喀占踞濟嚙聶拉木後復攻陷宗喀諭令黃宗漢酌撥屯兵三千

名或於綠營兵內湊撥由樂斌帶往前藏迄今未據該將軍等將調派兵數竝出省日期具奏本日赫特賀奏馳抵協噶爾據報補仁絨轄兩處營寨又被該番占奪一摺夷情校讎前次具稟該大臣等雖有遵檄止兵竝派噶箕赴藏聽斷之語見又連踞兩處地面是兵端能否遽息尙未可知據赫特賀嚴詞駁詰該噶箕興哈舉勢邦折等以該處領兵頭人尙未接到止兵知會爲詞有外委率建勳一到宗喀該大噶箕藏格巴都爾卽將各路夷兵減撤大半見在止求將案情公斷不敢妄動等語及赫特賀將多收稅米阻閘商民及報傷搶劫各款提證集質竝查照夷例令唐古忒將浮收稅米及牛價等銀賠繳該噶箕亦稱所辦公允毫無爭辨惟給予斷牌後未經遵具圖記竝稱請派漢官同見藏格巴都爾方可定議見經該大臣派都司戴廷超等往與該國管事噶箕見面

令其遵奉退兵但旣占去邊地五處之多如果遵領斷牌退出占
地原無事輕勞兵力惟該國稟內有求斷給土地之語若仍藉端
要挾則前藏一帶亦宜先事豫防見已諭令滿慶等暗爲防備著
黃宗漢卽將諭調之兵照數撥交樂斌帶往如所撥官兵已經出
省樂斌亦已由省赴藏卽將行抵前藏日期及察看廓夷實在情
形竝如何酌商進止之處迅速覆奏藉慰塵念將此諭令知之○

丙辰諭內閣永康等奏請將兵役應支米石仍給本色一摺 東
陵兵役向支一半本色米石節經部議折銀散放茲據永康等奏
稱該處商販稀少兵役糧食維艱自係實在情形所有該處兵役
應支一半本色米石自咸豐六年起仍由東豫漕糧內截撥給放
毋庸改發折色○諭蔣啟敷奏下北蘭陽汛三堡漫溢請將疏防
各員分別懲處一摺本年黃河水勢異漲下北廳蘭陽汛銅瓦廂

三堡隄工危險六月十八日以後水勢復長南風暴發巨浪掀騰
以致十九日漫溢過水二十日全行奪溜刷寬口門至七八十丈
迤下正河業已斷流下游居民罹此兇災流離失所朕心實深憫
惻著桂良崇恩英桂趕緊派員勘款前往確查黃水經由之處將
被水災黎民爲撫恤無令一夫失所竝著該署河督嚴飭道聽起
集料物裹作盤頭毋使再行坍窪以致工程愈大糜帑愈多所有
疏防專管之署下北河同知王熙文署下北河守備梁美汎官蘭
陽主簿林際泰蘭陽千總諸葛元蘭陽汎外委司文瑞均著革職
枷號河干以示懲儆兼轄之代辦河北道事務同知黃沁同知王
緒昆著交部議處蔣啟敷以該管道員署理河督未能先事豫防
責難辭咎著摘去頂帶革職畱任仍責成趕緊督辦以贖前愆○
諭軍機大臣等蔣啟敷奏下北廳蘭陽三堡河工漫溢一摺覽奏

實堪痛恨當此軍務未竣帑項支絀民間兵燹流離已堪憫惻該文武員弁不知謹慎修防以致河隄漫溢七八十丈之寬沿河一帶小民蕩析離居雖已將該署河督等分別懲處尚不足以蔽辜儻不能趕緊興築及早堵合伏秋大汛水勢正長漫溢各處該河督等自問當得何罪蘭陽北岸爲黃河上游較豐北之距海較近者迥不相同據奏漫水微向西趨復折往東北是已直注直隸山東境內該河督等見議如何宣洩由何處導令人海卽著迅速籌辦其漫口處所亟應趕緊裏築盤頭庶不再有刷寬見在覈計興工約需用項若干著李鈞等督率熟悉員弁相度情形先行馳奏朕意須趕於年內合龍俾被災小民得早復業至工程需用浩繁當此經費支絀之時豈能任貽誤各員殃民糜帑應如何分別賠罰及設法勸捐協濟之處著該河督等迅卽悉心妥議具奏竝

著查明此次漫口是否實係無工處所不得藉詞掩飾將此由五百里各諭令知之○諭王履謙奏黃河漫口下流漸涸無險可扼請飭直隸山東河南各督撫撥兵防守等語楚北逆氛未靖河防極關緊要見以銅瓦厰漫口下游漸成涸轍前派防河之山西朔州官兵及曹縣練勇不敷分撥自應添派官兵藉資堵禦著桂夏崇恩英桂將濱河各屬見經斷流處所迅速查明各就情形輕重酌撥官兵前往防守與王履謙聯絡聲勢嚴密稽查無許疏忽貽誤漫口地屬河南英桂責無旁貸直隸山東均有備調官兵自可足資分撥至決口大溜見向何處旁趨被災係何州縣應如何亟籌撫恤俾小民不至失所竝著桂良等妥速籌辦毋稍遲緩將此由五百里諭令知之○諭見在黃河漫口下游一帶無險可恃已諭知直隸山東河南各督撫分撥弁兵各飭所屬扼要嚴防其上

游一帶仍應嚴加防範不可稍涉大意著王履謙於河口見有之
兵體察情形分布屯紮嚴密扼守竝飭沿河文武員弁實力盤查
勿令南路奸匪乘隙偷渡將此由五百里諭令知之○湖廣總督
官文奏由襄陽督師啟程會同南北兩軍布置進剿得旨汝既與
西凌阿會攻德安務期迅速克復勿令旁竄爲要布置以後進剿
機宜尚宜妥慎○河南巡撫英桂奏據南汝光道邊沿禮稟探知
逆首易添富有東竄之信多方布置嚴密查拏六月初九日在洪
廟合圍將夥匪格殺淨盡汝陽縣知縣金朝棟親督圍勇奮往直
前將易添富器械格落兵勇齊上卽時就擒查易添富由楚潛回
嘯聚夥黨戕官攻城實屬著名巨惡已飭邊沿禮就近提訊確供
明正典刑此案首要各犯見已悉數就擒正須畱兵按緝可期伏

莽肅清已咨照鎮

臣

邱聯恩帶兵移駐光州彈壓竝調都司百順

帶兵四百名駐息縣之包信集守備特合圖帶兵三百餘名駐光山縣新店飭令搜捕餘匪母稍鬆懈報聞○命已革巡撫張亮基發往東河交河道總督李鈞差委○丁巳諭軍機大臣等托明阿等奏築圍添勇備進堵勦一摺瓜州賊壘旣無城郭之固卽應力籌攻勦乃分圍則藉口於地勢沮洳進攻則又苦於槍礮短少經年累月徒以無計可施及堅匿不出等詞塘塞入奏遷延至今又欲廣築長圍以爲坐困之計行軍要著總在因地制宜瓜州濱臨大江非若高唐連鎮地勢平坦可以專恃築圍雖該大臣等業於新橋等處建築長圍竝挑選善泅水勇分營駐紮又欲於東岸施工一律興築但地方旣極遼闊未必能杜其竄越若不力圖進取徒恃坐防則長江一面處處可通終難斷其接濟恐糜餉徒勞於事無益著托明阿等一面設防一面激勵各營齊心効力鼓勇進

攻當此夏秋之交江鄉天氣風雨均所不免豈得以江漲汪洋遂致束手無策見計該營兵勇較前已有加增若復頓兵不戰遷延貽誤該大臣等豈能當此重咎耶將此由六百里諭令知之○諭昨因蘭陽汎三堡漫溢諭令李鈞等趕緊堵合設法協濟並諭令桂良英桂崇恩查明被水災黎庶爲撫恤因思河工漫口向來暫開捐例以濟要工見在軍務未竣部庫支絀無從籌撥朕夙夜焦勞念及小民蕩析離居難安寢饋該河督等具有天良於堵築漫口撫恤災民一切事宜更應早爲籌及斷不能以無款可籌遂致束手無策著李鈞與英桂崇恩悉心妥議於河南山東兩省設立捐局無論銀錢米麪及土方楷科皆准報捐米麪可備賑需土楷可供工用並著遴委妥員分路勸諭紳商辦捐口糧接濟災民此外所屬各州縣如有可撥之倉穀亦可酌量動用總期被水災民

不至流離失所方爲妥善至辦公需用錢文即可勸諭民間捐輸
銅斤設局鼓鑄以資支發該河督等接奉此旨後即將見在如何
籌辦情形迅速覆奏以慰塵念竝著蔣啟駁將蘭陽汛三堡漫溢
處所繪圖貼說奏聞將此由五百里各諭令知之○諭南河豐北
決口堵後復蟄至今未議堵合見當東河漫口上游奪澑下游業
已斷流豐北口門亦成陸地若趁此機會及時堵築必能事半功
倍於經費大可節省著楊以增詳悉履勘覈計興工購料約需用
項若干先行馳奏至此次東河漫口據稱直注直隸山東境內未
知是否灌入運河仍入江南境地竝著查明具奏將此由五百里
各諭令知之○己未諭內閣軍機大臣大學士會同吏部兵部議
覆侍郎沈兆霖奏請暫設皖南巡撫一摺安徽徽甯池太廣五屬
介在江南當此軍務繁多恐該撫鞭長莫及自應專責文武大員

俾資督率該侍郎原請暫設巡撫既屬空礙難行著卽照軍機大臣等所議將安徽甯池太廣道暫改爲徽甯池太廣道加按察使銜並添設皖南鎮總兵一員暫照臺灣鎮道之例准其會銜專摺奏事所有該四府一州地方軍務緊要機宜均著責成專辦俟軍務告竣道員仍歸舊制總兵卽作爲額缺以重地方而符定例至該處距兩江總督安徽巡撫不分畛域暫行督辦其餘應辦事宜著該督撫分別妥議迅速具奏○諭恆春蔣霨遠等奏官軍進剿夷匪連獲勝仗一摺貴州郎岱鎮夷匪以與漢民構釁遂假復讐爲名肆行滋擾雖經攻擊獲勝見尙恃險負嵎自應痛加懲創著恆春等嚴飭在事文武統率兵勇迅速進剿務期埽穴擒渠毋留餘孽○諭軍機大臣等侍郎王茂蔭奏徵郡急務請飭浙皖兩巡撫查辦

一摺據稱徽郡自三年以後捐款至鉅隱匿甚多前任歙縣知縣劉毓敏攜帶捐冊逃歸山東原籍祁門存米未知作何用項竝義練局之勒捐自收自用兼有置產寄頓者學政之收捐存銀甚多以及練首潘秉照等乘亂攫取公項庫款朋分逃散者不少各色徵存應解廬州大營之項有數萬兩亦未起解以上六款厯厯可查又稱已故徽州府知府達秀誤以花會招作練勇糜餉殃民糜生潘炳照勾結門丁李作塘狼狽爲奸竝學政沈祖懋信用潘炳照等縱容練勇聽其冒濫縱恣而不加禁甚至抽扣茶釐拜認門生至有學政一日不去徽禍一日不除之語著何桂清密飭委員按照該侍郎所指各款嚴密查辦毋任稍有隱匿竝將不法之李作塘等查明重懲儻該學政果有任聽花會爲害地方竝侵項納賄情事卽著據實嚴參福濟雖遠在廬州亦不難於察訪竝著派

員密查具奏另片奏前署歙縣知縣博銘前任休寧縣知縣唐寶昌都司江長貴三員聲名甚好爲民之望等語並著該撫查明是否與所奏相符其博銘一員是否回至廬州並著福濟查明具奏原摺片著鈔給閱看將此由五百里各諭令知之○諭蔣霨遠奏軍需待用孔急請飭催各省迅速撥解一摺據稱黔省桐梓軍務已竣善後急需籌款獨山荔波界連粵西均應畱兵堵禦近日上下游苗匪不靖調齊滇黔官兵勦辦軍需待用萬分緊急而庫款因連年籌墊羅掘一空無可籌畫廣東山東江西粵海關等處尙有部撥未解銀一百四十五萬九千餘兩四川陝西山西三省尙有請撥未解銀二十七萬兩著黃宗漢葉名琛柏貴陳啟蓮崇恩王慶雲載齡等將前項部撥及請撥未解各餉銀迅速籌款飭委幹員起解沿途如有阻礙亦卽繞道遄行解至黔省以濟要需將

此由五百里諭令各該督撫竝傳諭粵海關監督恆祺知之○諭
景濬奏會勘交界請俟明春再辦一摺此次會勘俄羅斯交界往
返更改爲時已久今該夷使既在松花江口等候且吉林黑龍江
委員均已自格爾必齊河折回其庫倫委員據稱七月中旬以後
亦可趕到是八月初三日以前各委員必可在黑龍江口會齊若
再行改期誠恐該夷有所藉口轉不能依期前來此時原不可必
竟到東海勘立界牌儘可先飭該委員等在黑龍江口會晤將應
議事宜詳悉籌商一面由黑龍江將軍知照俄羅斯在松花江等
候卽可飭令該委員等迅速前往會晤以便定議安立界牌所有
該將軍請俟明春再辦及先由理藩院豫咨該國之處著毋庸議
景濬接奉此旨著卽知照奕照遵辦可也將此諭令知之○孔慶
鏗以病免以桑春榮爲貴州按察使

由雲南道遞

○庚申諭內閣和

春福濟奏賊陷英山旋卽克復一摺此股賊匪驟陷英山經羅田縣官紳等不分畛域帶勇助剿俾得卽行克復實堪嘉尚所有在事出力文武及捐貲供應之官紳義勇人等著和春等酌量保奏候朕施恩已革道員何桂珍英山縣知縣蘇秀槐雖經失守於前卽能收復於後功過尙足相抵均著免其議處○諭軍機大臣等和春福濟奏逆匪外援虧至迎剿獲勝一摺覽所奏情形外援之賊多至萬餘而城中出賊僅止數百是廬城賊匪無多已有明徵自二月初間經朕將賊匪斷無愈殺愈多之理嚴切批示該提督等以後奏到總以外援爲詞試思廬城南面賊營旣經焚毀官軍已四面合圍賊援雖多皆從南路而來該提督等禁營三里岡緊逼廬城東北何以不圖三面並舉力拔堅城輒擁重兵坐待賊援之至耶此次大堂店之戰和春旣親身前往接仗福濟卽應設法

攻城乃僅將出城零賊擊退聊以塞責無怪賊情之猖獗也巢縣營盤失利已派吉順等前往接應乃嵩瑞駐紮柘皋又因賊退撤回設使該逆突竄店埠又擾廬州後路將何以自固藩離著和春福濟一面嚴堵賊援一面乘城中賊少之時迅速設法力圖攻克儻仍事遷延致逆匪復占廬州南面或下皋之賊又竄店埠牽掣廬城東北彼時再以進攻棘手爲詞該提督等坐失機宜之罪不能曲從寬貸也再安徽徽甯池太廣五屬遠隔大江恐該撫鞭長莫及已允軍機大臣等所議將安徽甯池太廣道暫改專轄五屬專摺奏事竝添設皖南鎮總兵一員所有本日簡放之該鎮總兵豫祺是否能勝皖南要缺之任著福濟悉心察看據實具奏將此由六百里加緊諭令知之○予安徽陣亡遊擊何朝亮等祭葬世職○辛酉諭軍機大臣等官文奏克復雲夢應城兩城籌攻德安

一摺該逆踞守德安原圖牽我北路兵力使不能與武漢之師會合今兩處縣城均經收復德安藏匪亦不過二三千人正可迅籌攻克惟長江埠賊船下竄道人橋雖經圍勇擊敗仍紮營以防守竄竝於兩岸河道均用木石塞截當可絕其應援仍應責成該縣王培厚等實力堵勦俾德安賊匪不至有豕突狼奔之慮西凌阿於初四日自信陽督隊啟程綿洵行抵襄陽已由陸路馳往大營此時諒已會合官文亦由水路進發該大臣等務當乘此賊勢中斷之時四路圍擊謀勇兼施擣其巢穴至設法招降令被擄之人作爲內應尤宜出以慎重勿墮詭計如能先克德安則進攻漢陽不至有後顧之患漢川爲通達府河之路若所派兵勇隨勦隨進逆匪勢成孤立無難悉數殲除也將此由六百里各諭令知之○諭王慶雲奏刁民聚眾抗官仍未解散請量加兵力一摺山西陽

城縣匪徒趙連城聚眾滋鬧鹽糧拆毀民房經該撫派冀甯道瑞昌前往該縣出示曉諭許其赴官投首乃該處刁民仍復懷疑負固竝敢於公文往來閹阻拆看復於黃龍廟入村之路占踞把守情同叛逆自應酌調官兵圍捕以儆兇頑該撫見將換防官兵密飭該道酌量備調竝將附近垣曲沁水各營兵丁妥爲布置儻官兵既得黃龍廟要隘該匪畏懼兵威輸誠悔罪著將首犯從重懲治其餘無知愚民仍應設法解散俾安生業儻該匪等始終怙惡不悛該撫卽飭該道督兵搜捕按律懲辦以免效尤晉省風俗素湧一經懲創自必聞風斂迹也將此諭令知之○以江南舟師出力賞總兵官吳全美巴圖魯名號副將李德麟等花翎○是月蠲緩湖南茶陵等二州縣災區額賦江西義甯等三十四州縣及蓮花廳被擾地方租課銀米免直隸天津等三縣及豐財等二場鹽

課山西曲沃等二縣歉收地方帶徵錢糧並緩徵潞城縣被雹村
莊上忙錢糧江西進賢等十九縣及蓮花廳災區額賦並免廣昌
縣應賠漂失倉穀